



SLUŽBENE NOVINE

ZENIČKO - DOBOJSKOG KANTONA

Godina XVII - Broj 8

ZENICA, utorak, 05.06.2012.

SKUPŠTINA

Član 4. (Stupanje na snagu)

177.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 21. sjednici održanoj 15.05.2012. godine, d o n o s i

ZAKON O IZMJENAMA I DOPUNI ZAKONA O PREDŠKOLSKOM ODGOJU I OBRAZOVANJU

Član 1. (Korištenje naziva vrtić, obdanište)

U Zakonu o predškolskom odgoju i obrazovanju („Službene novine Zeničko-dobojskog kantona“, broj: 7/10), član 19., mijenja se i glasi:

„Član 19. (Jaslice, vrtić, obdanište)

(1) Sa stanovišta oblika organiziranja, predškolski odgoj i obrazovanje ostvaruje se u jaslicama za djecu od šest mjeseci do navršene treće godine života i u vrtiću, odnosno obdaništu od navršene treće godine života sve do polaska u osnovnu školu.

(2) U ovom zakonu imenice vrtić i obdanište, jednako se primjenjuju u odgovarajućem rodu, broju i padežu.“

Član 2. (Prelazak na obavezno predškolsko obrazovanje)

U članu 60., riječi: „2011/2012. godine“, zamjenjuju se riječima: „2012/2013. godine.“

Član 3. (Ovlašćenje za utvrđivanje prečišćenog teksta Zakona)

Ovlašćuje se Zakonodavno-pravna komisija Skupštine Zeničko-dobojskog kantona da utvrdi prečišćeni tekst Zakona o predškolskom odgoju i obrazovanju.

Zakon stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 01-02-11037/12

PREDSJEDAVAJUĆI

Datum, 15.05.2012. godine

Zenica

Miralem Galijašević, s.r.

178.

Na osnovu člana 37. stav 1. tačka f) Ustava Zeničko-dobojskog kantona i člana 42. Zakona o prodaji stanova na kojima postoji stanarsko pravo („Službene novine Federacije Bosne i Hercegovine“, broj: 27/97, 11/98, 22/99, 27/99, 7/00, 32/01, 31/01, 61/01, 15/02, 54/04, 36/06, 51/07 i 72/08), Skupština Zeničko-dobojskog kantona, na 22. sjednici, održanoj 29.05.2012. godine, donosi

ZAKON O ZAKUPU STANA

DIO PRVI - OSNOVNE ODREDBE

Član 1. (Predmet Zakona)

Ovim zakonom uređuje se zakup stana, ugovor o zakupu stana, zakupnina, prava i obaveze zakupodavca i zakupca, prestanak ugovora o zakupu, kao i druga pitanja koja se odnose na zakup stana.

Član 2. (Značenje pojmova)

Pojmovi upotrebljeni u ovom zakonu imaju slijedeće značenje:

- Stan je skup prostorija namijenjenih za stanovanje sa pomoćnim prostorijama koje, po pravilu, čine jednu građevinsku cjelinu i imaju zaseban ulaz,
- Nosilac stanarskog prava, u smislu ovog zakona, je građanin koji se uselio u stan na osnovu akta koji

- predstavlja punovažan osnov za useljenje u stan,
- c) Stan u svoji građana na kojem je stečeno stanarsko pravo smatra se stanom na kojem je građanin stekao stanarsko pravo na stanu u porodičnoj zgradi, odnosno posebnom dijelu zgrade u svojini, prije stupanja na snagu Zakona o stambenim odnosima („Službeni list SR BiH“, broj:13/74),
 - d) Zakupodavac je vlasnik stana, odnosno lice koje predaje stan zakupcu na korištenje,
 - e) Zakupac je lice koje koristi stan i zato plaća novčanu naknadu zakupodavcu,
 - f) Zaštićeni zakupac je lice koje je nosilac stanarskog prava odnosno član njegovog porodičnog domaćinstva koji je taj status stekao do 06.12.2000.godine, a nije otkupilo stan u zakonom propisanom roku, odnosno lice koje koristi stan u svojini građana, a nije mu dodijeljen zamjenski stan,
 - g) Zaštićena zakupnina je naknada utvrđena ovim zakonom, a koju zakupodavcu plaća zaštićeni zakupac na ime korištenja stana.

DIO DRUGI – NAČIN REGULISANJA ZAKUPA STANA

POGLAVLJE I. ZAKUP STANA

Član 3.

(Stanovi koji su predmet zakupa)

Stanovi koji su predmet zakupa su:

- a) stan na kojem je stečeno stanarsko pravo do 06.12.2000.godine, a koji nije otkupljen u zakonom propisanom roku,
- b) stan vraćen po osnovu Zakona o prestanku primjene Zakona o napuštenim stanovima („Službene novine Federacije Bosne i Hercegovine“, broj:11/98, 38/98, 12/99, 27/99, 43/99, 31/01, 56/01, 15/02, 24/03 i 29/03), a koji nije otkupljen u zakonom propisanom roku,
- c) stan u svojini građana na kojem je stečeno stanarsko pravo do 06.12.2000. godine,
- d) stan dodijeljen u skladu sa odredbama Zakona o vraćanju, dodjeli i prodaji stanova („Službene novine Federacije Bosne i Hercegovine“, broj:28/05 i 2/08), a koji nije otkupljen u zakonom propisanom roku,
- e) stan koji nije predmet otkupa u skladu sa važećim zakonskim propisima.

Član 4.

(Zakupodavac)

- (1) Zakupodavcem stana iz člana 3. tačka a), b), d) i e) ovog zakona, smatra se vlasnik stana odnosno njegov pravni sljednik.
- (2) Zakupodavcem stana iz člana 3. tačka c) ovog

zakona, smatra se vlasnik stana odnosno njegov pravni nasljednik.

(3) Zakupodavcem stana nepoznatog vlasnika, kao i privatiziranog preduzeća ili preduzeća koje je prestalo sa radom i brisano iz registra preduzeća je općina na čijoj se teritoriji nalazi stan.

Član 5.

(Zakupac)

(1) Zakupcem stana iz člana 3. tačka a), b) i c) ovog zakona, smatra se nosilac stanarskog prava odnosno član njegovog porodičnog domaćinstva koji je taj status stekao do 06.12.2000.godine.

(2) Zakupcem stana iz člana 3. tačka d) ovog zakona, smatra se lice kome je stan dodijeljen, a koje nije otkupilo stan u zakonom propisanom roku.

(3) Zakupcem stana iz člana 3. tačka e) ovog zakona, smatra se lice koje zaključi ugovor o zakupu sa zakupodavcem kao vlasnikom stana.

POGLAVLJE II. UGOVOR O ZAKUPU STANA

Član 6.

(Predmet ugovora o zakupu stana)

(1) Međusobna prava i obaveze zakupodavca i zakupca uređuju se ugovorom o zakupu stana.

(2) Ugovorom o zakupu stana obavezuje se zakupodavac da zakupcu iz člana 5. stav (1) i (2) ovog zakona omogući nesmetano korištenje stana, a zakupcu iz člana 5. stav (3) ovog zakona da preda stan na korištenje radi zadovoljenja njegovih stambenih potreba, a zakupac se obavezuje da mu za to plaća određenu zakupninu.

(3) Uslovi sklapanja ugovora o zakupu stana koji nisu propisani ovim zakonom, ugovorne strane ugovaraju slobodno.

Član 7.

(Forma ugovora o zakupu stana)

(1) Ugovor o zakupu stana zaključuje se u pisanoj formi.

(2) Ugovor o zakupu stana koji nije zaključen u pismenoj formi ne proizvodi pravno dejstvo.

Član 8.

(Rok na koji se zaključuje ugovor o zakupu stana)

(1) Ugovor o zakupu stana iz člana 3. tačka a), b) i d) ovog zakona zaključuje se na neodređeno vrijeme.

(2) Ugovor o zakupu stana iz člana 3. tačka c) ovog zakona zaključuje se na određeno vrijeme do dodjele zamjenskog stana u skladu sa članom 8. Zakona o vraćanju,

dodjeli i prodaji stanova („Službene novine Federacije BiH“, broj:28/05 i 2/08).

(3) Ugovor o zakupu stana iz člana 3. tačka e) ovog zakona zaključuje se na određeno ili neodređeno vrijeme.

Član 9.

(Sadržaj ugovora o zakupu stana)

Ugovor o zakupu stana obavezno sadrži:

- a) ugovorne strane,
- b) predmet zakupa,
- c) opis stana,
- d) visina zakupnine i način plaćanja,
- e) vrstu troškova koji se plaćaju u vezi sa korištenjem stana i način na koji se plaćaju,
- f) odredbe o redovnom održavanju stana,
- g) odredbe o korištenju stana, zajedničkih dijelova i uređaja zgrade i zemljišta koje služe zgradi,
- h) odredbe koje se odnose na investiciono održavanje stana i zajedničkih dijelova zgrade,
- i) odredbe o primopredaji stana,
- j) podaci o licima koja će zajedno s zakupcem koristiti stan,
- k) vrijeme trajanja zakupa,
- l) odredbe o otkazu i otkaznim rokovima,
- m) mjesto i datum zaključivanja ugovora i potpis ugovornih strana.

POGLAVLJE III. ZAKUPNINA

Član 10.

(Pojam zakupnine)

(1) Zakupnina je novčana naknada koju zakupac plaća zakupodavcu na ime korištenja stana.

(2) Zakupnina iz stava (1) ovog člana se plaća kao zaštićena zakupnina ili kao slobodno ugovorena zakupnina.

Član 11.

(Zaštićena zakupnina)

(1) Zakupac stana iz člana 3. tačka a), b) i c) ovog zakona plaća zakupodavcu zaštićenu zakupninu.

(2) Zaštićena zakupnina se utvrđuje u iznosu koji je jednak iznosu naknade za redovno održavanje zajedničkih dijelova zgrada i uređaja zgrade propisan članom 31. stav (2) Zakona o upravljanju i održavanju stambenih i stambeno-poslovnih zgrada („Službene novine Zeničko-dobojskog kantona“, broj: 2/08).

Član 12.

(Slobodno ugovorena zakupnina)

(1) Zakupac stana iz člana 3. tačka d) i e) ovog zakona plaća slobodno ugovorenu zakupninu.

(2) Slobodno ugovorena zakupnina je zakupnina koju ugovorom utvrde zakupodavac i zakupac.

POGLAVLJE IV. PRAVA I OBAVEZE ZAKUPODAVCA I ZAKUPCA

Član 13.

(Obaveze zakupodavca)

(1) Zakupodavac predaje stan zakupcu u stanju uslovnom za stanovanje.

(2) Stan koji je u posjedu zakupca, zakupodavac predaje u stanju u kome je stan zatečen danom zaključenja ugovora o zakupu stana.

(3) Zakupodavac i zakupac sastavljaju zapisnik kojim se utvrđuje stanje u kojem se stan nalazi u vrijeme predaje stana.

Član 14.

(Obaveze zakupca)

(1) Zakupac je dužan plaćati zakupninu i druge troškove koji se odnose na korištenje stana.

(2) Zakupac je dužan plaćati troškove redovnog održavanja stana.

(3) Zakupac je dužan naknadu za redovno održavanje zajedničkih dijelova zgrade i upravljanje zgradom plaćati u skladu sa Zakonom o upravljanju i održavanju stambenih i stambeno-poslovnih zgrada.

(4) Pri korištenju stana zakupac je dužan da postupa sa pažnjom dobrog domaćina.

(5) Zakupac nema pravo da bez pisane saglasnosti zakupodavca vrši prepravke u stanu.

(6) Zakupac je dužan o svom trošku da ukloni štetu koju prouzrokuje u stanu on ili lice koje sa njegovim dopuštenjem boravi u stanu.

(7) Po prestanku ugovora o zakupu stana zakupac je dužan da preda zakupodavcu stan u stanju u kome ga je primio ako nije drugačije ugovoreno ili ovim zakonom određeno.

(8) Zakupac ne odgovara za pogoršanje stanja stana do kojeg je došlo usljed njegovog redovnog korištenja u skladu sa odredbama ugovora o zakupu stana.

Član 15.

(Prava zakupca)

(1) Zakupac ima pravo da koristi stan prema uslovima iz ugovora o zakupu stana.

(2) Zakupac ima pravo upotrebe zajedničkih dijelova i uređaja zgrade nužnih za korištenje stana, te pravo korištenja zemljišta koje služi zgradi.

(3) Zakupac ima pravo upotrebe i drugih zajedničkih dijelova i uređaja zgrade, ako je to utvrđeno ugovorom.

Član 16.

(Prava zakupca koji plaća slobodno ugovorenu zakupninu)

(1) Ako zakupodavac stana iz člana 3. tačka d) i e) ovog zakona ne preda zakupcu stan u stanju uslovnom za stanovanje, zakupac ima pravo da raskine ugovor o zakupu stana ili da traži srazmjerno smanjenje ugovorene zakupnine, ili da na teret zakupodavca dovede stan u stanje uslovno za stanovanje.

(2) Pravo izbora iz stava (1) ovog člana ima zakupac samo ako je zakupodavcu prethodno odredio primjeren rok da stan dovede u stanje utvrđeno ugovorom o zakupu stana.

(3) Zahtjev za smanjenje ugovorene zakupnine zakupac ostvaruje sporazumno sa zakupodavcem ili putem nadležnog suda.

Član 17.

(Oprava stana za koji se plaća slobodno ugovorena zakupnina)

(1) Ako nastane potreba da se u stanu radi njegovog održavanja u stanju utvrđenom ugovorom o zakupu stana treba izvršiti opravka, koja pada na teret zakupodavca, zakupac je dužan bez odlaganja da obavijesti zakupodavca o potrebi opravke, određujući mu za to primjeren rok.

(2) Ako zakupodavac u određenom roku ne izvrši opravku zakupac ima pravo da na teret zakupodavca izvrši opravku ili da raskine ugovor o zakupu stana.

(3) Zakupac ima pravo na naknadu troškova iz stava (2) ovog člana, koja se ostvaruje prebijanjem iznosa tih troškova sa iznosom zakupnine.

(4) Zakupac nema pravo prebijanja troškova ako opravku izvrši bez obavještenja zakupodavca i određivanja primjerenog roka.

Član 18.

(Hitna opravka u stanu)

Zakupac na teret zakupodavca vrši hitnu opravku stana u cilju spriječavanja veće materijalne štete i ugrožavanja sigurnosti zgrade i građana iako ga nije o tome obavijestio niti mu odredio primjeren rok.

POGLAVLJE V. PODZAKUP

Član 19.

(Podzakup stana ili dijela stana)

(1) Zakupac ne može stan ili dio stana bez saglasnosti zakupodavca izdati u podzakup.

(2) Podzakup prestaje u svakom slučaju kada prestane zakup stana.

DIO TREĆI - PRESTANAK UGOVORA O ZAKUPU STANA

Član 20.

(Način prestanka ugovora o zakupu)

Ugovor o zakupu stana prestaje:

- a) otkazom,
- b) istekom ugovorenog roka,
- c) po osnovu raskida,
- d) po osnovu sporazuma ugovornih strana.

Član 21.

(Razlozi za otkaz ugovora o zakupu stana)

(1) Zakupodavac može dati otkaz ugovora o zakupu stana u slučaju da:

- a) zakupac ili lice koje sa njim stanuje koristi stan suprotno ugovoru ili na način kojim se stanu, zajedničkim prostorijama i uređajima u stambenoj zgradi njihovom krivicom nanosi šteta,
- b) zakupac ne plati zakupninu tri mjeseca uzastopno,
- c) zakupac ili lice koje sa njim stanuje koristi stan na način kojim se korisnik drugog stana u istoj zgradi ometa u mirnom korištenju svog stana,
- d) zakupac bez saglasnosti zakupodavca izda stan u podzakup,
- e) zakupac i član njegovog porodičnog domaćinstva ne koriste stan bez opravdanog razloga duže od šest mjeseci,
- f) zakupac iz člana 3. tačka a), b) i c) ovog zakona ili član njegovog porodičnog domaćinstva steknu u vlasništvo porodični stambeni objekat ili stan na području iste općine.

(2) Otkaz ugovora o zakupu stana iz razloga navedenih u stavu (1) tačka a) do d) ovog člana može se dati ako je zakupac prethodno opomenut pismenim putem da u roku od 30 dana otkloni razloge za otkaz i ako u tom roku nije postupio po opomeni.

Član 22.
(Forma i način otkaza ugovora
o zakupu stana)

(1) Zakupodavac daje otkaz ugovora o zakupu stana u pisanom obliku s obrazloženjem, neposredno zakupcu uz potpis ili poštom preporučeno.

(2) Ako zakupac odbije primiti pisani otkaz, otkazni rok počinje teći od dana kada je obavijest o otkazu predana pošti.

(3) Ako se zakupac ne iseli iz stana u otkaznom roku, zakupodavac može nadležnom sudu podnijeti tužbu za iseljenje zakupca.

(4) Otkaz dat zakupcu odnosi se na sve korisnike stana.

(5) Postupak pokrenut tužbom za iseljenje zakupca smatra se hitnim.

Član 23.
(Dužina otkaznog roka)

(1) Otkazni rok u kome zakupodavac ili zakupac daje otkaz ugovora o zakupu stana traje najmanje jedan mjesec.

(2) Ukoliko otkazni rok nije ugovoren smatra se da iznosi tri mjeseca.

Član 24.
(Prestanak ugovora o zakupu stana
istekom ugovorenog roka)

(1) Ugovor o zakupu stana zaključen na određeno vrijeme prestaje istekom roka na koji je zaključen.

(2) Ako po isteku ugovorenog roka stan ne bude ispranjen i predat zakupodavcu u posjed, zakupodavac može nadležnom sudu podnijeti tužbu za iseljenje zakupca i predaju stana u posjed.

Član 25.
(Prećutno obnavljanje ugovora
o zakupu stana)

(1) Ugovor o zakupu stana zaključen na određeno vrijeme smatra se, po isteku roka na koji je zaključen, prećutno obnovljenim za isto vrijeme trajanja, ako zakupac i po isteku ugovorenog roka nastavi da koristi stan, a zakupodavac se tome pismeno ne protivi.

(2) Zakupodavac je dužan protivljenje iz stava (1) ovog člana da dostavi zakupcu najkasnije u roku od 30 dana od dana isteka roka na koji je zaključen ugovor o zakupu stana.

Član 26.
(Prestanak ugovora o zakupu stana na
osnovu raskida)

(1) Zakupodavac može raskinuti ugovor o zakupu stana zaključen na određeno vrijeme i prije isteka ugovorenog roka iz razloga navedenih u članu 21. stav (1) tačka a) do d) ovog zakona.

(2) Zakupac može raskinuti ugovor o zakupu stana zaključen na određeno vrijeme i prije isteka ugovorenog roka iz razloga navedenih u članu 16. i 17. ovog zakona.

(3) Ugovorna strana koja raskida ugovor o zakupu stana dužna je drugoj ugovornoj strani dati pisanu izjavu o raskidu u kojoj određuje rok za predaju odnosno prijem ispranjenog stana.

(4) Rok iz stava (3) ovog člana ne može biti kraći od 30 dana od dana kada je druga ugovorna strana primila izjavu o raskidu ugovora.

(5) Ako zakupac kome je data pisana izjava o raskidu ugovora ne preda ispranjen stan u roku određenom pisanom izjavom o raskidu ugovora, zakupodavac može nadležnom sudu podnijeti tužbu za iseljenje zakupca i predaju stana u posjed.

Član 27.
(Prestanak ugovora o zakupu stana po
osnovu sporazuma ugovornih strana)

Zakupodavac i zakupac mogu sporazumno raskinuti ugovor o zakupu u bilo koje vrijeme.

Član 28.
(Ostale odredbe o prestanku ugovora o
zakupu stana)

(1) Ugovor o zakupu stana prestaje po sili zakona ako se zgrada ili dio zgrade u kojoj se stan nalazi mora rušiti na osnovu pravosnažne odluke nadležnog organa.

(2) U slučaju smrti ili promjene zakupodavca, odnosno prestanka zakupodavca kao pravnog lica, prava i dužnosti zakupodavca iz ugovora o zakupu stana prelaze na njegovog nasljednika ili pravnog sljednika.

(3) U slučaju smrti nosioca stanarskog prava kao zakupca iz člana 5. stav (1) ovog zakona, prava i dužnosti zakupca iz ugovora o zakupu stana prelaze na njegovog bračnog partnera. Ako nema bračnog partnera prava i obaveze iz ugovora o zakupu prelaze na člana njegovog porodičnog domaćinstva koji je taj status stekao do 06.12.2000.godine.

(4) U slučaju smrti zakupca iz člana 5. stav (2) i (3) ovog zakona, zakupodavac može prava i dužnosti zakupca iz ugovora o zakupu prenijeti na njegovog bračnog partnera. Ako nema bračnog partnera zakupodavac može prava i obaveze prenijeti na lice koje je navedeno u ugovoru o zakupu.

(5) O nastaloj promjeni iz stava (3) i (4) ovog člana lice sa kojim je zakupac stanovao dužno je obavijestiti zakupodavca u roku od 60 dana od dana smrti zakupca. U istom roku to lice je dužno obavijestiti zakupodavca ako ne želi produžiti ugovorni odnos.

(6) Ako lica iz stava (3) ovog člana ne postignu sporazum o tome ko će preuzeti prava i obaveze iz ugovora o zakupu stana, protekom roka od 90 dana od dana smrti zakupca, smatra se da su odustala od ugovora o zakupu stana.

DIO ČETVRTI – NADZOR NAD PRIMJENOM ZAKONA

Član 29.

(Nadzor nad primjenom zakona)

Nadzor nad primjenom ovog zakona obavlja Ministarstvo za prostorno uređenje, promet i komunikacija i zaštitu okoline Zeničko-dobojskog kantona.

DIO PETI – KAZNE NE ODREDBE

Član 30.

(Prekršaji i prekršajne kazne)

(1) Novčanom kaznom od 1.000,00 KM do 5.000,00 KM kaznit će se za prekršaj zakupodavac stana ako:

- a) visinu zaštićene zakupnine odredi suprotno odredbi člana 11. stav (2) ovog zakona,
- b) suprotno odredbi člana 31. stav (1) ovog zakona odbije da zaključi ugovor o zakupu stana.

(2) Za prekršaj iz stava (1) ovog člana kaznit će se odgovorno lice kod zakupodavca pravnog lica, novčanom kaznom od 500,00 KM do 1.000,00 KM.

DIO ŠESTI – PRELAZNE I ZAVRŠNE ODREDBE

Član 31.

(Zaštićeni zakupac)

- (1) Danom stupanja na snagu ovog zakona, zatečeni korisnici stana iz člana 11. stav (1) ovog zakona stiču prava i obaveze zaštićenog zakupca, a zakupodavac je dužan sa zakupcem zaključiti ugovor o zakupu stana.
- (2) Lica iz stava (1) ovog člana protiv kojih je u toku postupak za otkaz ili prestanak stanarskog prava, ne mogu biti zakupci stana koji koriste do okončanja spora, odnosno donošenja pravosnažne odluke.

Član 32.

(Rokovi)

- (1) Stupanjem na snagu ovog zakona, zakupodavac i zakupac su dužni zaključiti ugovor o zakupu stana

pod uslovima propisanim u ovom zakonu.

- (2) Lica iz člana (5) ovog zakona, zahtjev za zaključenje ugovora o zakupu stana dužna su podnijeti zakupodavcu u roku od 30 dana od dana prijema pismenog poziva zakupodavca, kojim se zakupac obavještava o obavezi podnošenja zahtjeva za zaključenje ugovora o zakupu stana i pravnoj posljedici iz stava (3) ovog člana.

- (3) Zakupac koji ne postupi u skladu sa obavezom iz stava (2) ovog člana smatra se nezakonitim korisnikom stana.

Član 33.

(Postojeći ugovor o zakupu stana)

- (1) Zakupodavac je dužan uz saglasnost zakupca uskladiti ugovor o zakupu stana zaključen prije stupanja na snagu Zakona o zakupu stana sa odredbama istog u roku od šest mjeseci od dana stupanja na snagu ovog zakona.
- (2) Ukoliko ugovorne strane ne postupe na način propisan u stavu (1) ovog člana ugovor o zakupu stana prestaje da važi.

Član 34.

(Ravnopravnost spolova)

Gramatička terminologija u ovom zakonu podrazumijeva uključivanje oba spola.

Član 35.

(Stupanje na snagu)

Ovaj zakon stupa na snagu osmog dana od dana objavljivanja u Službenim novinama Zeničko-dobojskog kantona.

Broj: 01-02-12190/12

Datum, 30.05.2012.

Zenica

PREDSJEDAVAJUĆI

Miralem Galijašević, s.r.

.....

179.

Na osnovu člana 37. stav 1. tačka f) Ustava Zeničko-dobojskog kantona i člana 83. Zakona o geološkim istraživanjima Federacije Bosne i Hercegovine („Službene novine Federacije Bosne i Hercegovine“, broj: 9/10 i 14/10), Skupština Zeničko-dobojskog kantona na 22. sjednici održanoj 29.05.2012. godine, d o n o s i

ZAKON O GEOLOŠKIM ISTRAŽIVANJIMA ZENIČKO-DOBOJSKOG KANTONA

DIO PRVI – PREDMET

Član 1. (Predmet Zakona)

Ovim zakonom uređuju se: geološka istraživanja iz nadležnosti Zeničko-dobojskog kantona (u daljem tekstu: Kanton), faze izvođenja geoloških istraživanja, geološka istraživanja od interesa za Kanton, finansiranje geoloških istraživanja od interesa za Kanton, istražni prostor, vođenje katastra, postupak odobravanja i šta se određuje odobrenjem za izvođenje geoloških istraživanja, odbijanje zahtjeva za odobrenje geoloških istraživanja, izvođenje geoloških istraživanja, ukidanje odobrenja za izvođenje geoloških istraživanja, postupak nakon izvedenih geoloških istraživanja, utvrđivanje rezervi mineralne sirovine, nadzor nad provođenjem Zakona, kaznene odredbe i druga pitanja vezana za geološka istraživanja na području Kantona.

Član 2. (Značenje izraza)

Izrazi upotrijebljeni u ovom zakonu imaju sljedeća značenja:

- a) **"privredno društvo - investitor"** je privredno društvo kojem je u skladu sa ovim zakonom odobreno da ulaganjem vlastitih sredstava obezbjedi geološka istraživanja na istražnom ili eksploatacijskom prostoru;
- b) **"privredno društvo ili javna ustanova"** je stručna institucija koja se bavi geološkim istraživanjima i koja je registrirana za obavljanje djelatnosti iz oblasti geoloških istraživanja u skladu sa ovim i drugim zakonom;
- c) **"inspektor"** je kantonalni rudarsko - geološki inspektor koji vrši nadzor nad provođenjem ovog zakona;
- d) **"istražni prostor"** je dio terena na kome se vrše projektovana geološka istraživanja, koji je na topografskoj osnovi definiran granicama koje prolaze kroz konturne tačke sa tačno određenim koordinatama i prostire se u dubinu zemlje između vertikalnih ravni položenih kroz ucertane strane istražnog prostora za koje je izdato odobrenje za istraživanje u skladu sa ovim zakonom;
- e) **"eksploatacijsko polje"** je polje ograničeno prirodnim ili vještačkim granicama koje se prostire do određene dubine zemlje između vertikalnih ravni položenih kroz te granice gdje se radovi eksploatacije mogu izvoditi na osnovu izdate dozvole za ek-

sploataciju;

- f) **"geološka dokumentacija"** su programi i projekti geoloških istraživanja, izvještaji i elaborati o izvršenim geološkim istraživanjima;
- g) **"odobrenje za izvođenje geoloških istraživanja"** je rješenje kojim nadležni organ uprave u skladu sa ovim zakonom odobrava privrednom društvu - investitoru da na određenom istražnom prostoru, pod uvjetima određenim rješenjem može vršiti izvođenje geoloških istražnih radova;
- h) **"rješenje o potvrđivanju količine i kvaliteta mineralnih sirovina"** je rješenje koje nadležni organ uprave izdaje po zahtjevu privrednog društva - investitora, u skladu sa ovim zakonom a na osnovu rezultata provedenih geoloških istraživanja i utvrđenih količina i kvaliteta mineralne sirovine;
- i) **"odobrenje za obavljanje djelatnosti iz oblasti geoloških istraživanja"** je rješenje - licenca kojom nadležni organ potvrđuje da privredno društvo ili javna ustanova ispunjava zakonom propisane uvjete za obavljanje djelatnosti iz oblasti geologije - izrade geološke dokumentacije i korištenja laboratorije, postrojenja i opreme za geološka ispitivanja;
- j) **"revident"** je lice koje vrši kontrolu (reviziju) geološke dokumentacije.

Član 3. (Ravnopravnost spolova)

Gramatička terminologija korištena u ovom zakonu podrazumijeva oba spola.

Član 4. (Mineralne sirovine)

Mineralnim sirovinama u smislu ovog zakona smatraju se :

- a) nemetalične mineralne sirovine: abrazivi, azbesti, barit, bentonit, bijeli boksit, cementni laporci, diatomit, dolomit, disten, feldspat, fluorit, gips, grafit, kreda, krečnjak, kvarc, kvarcni pijesak, kvarcet i ostale silicijske sirovine, keramičke i vatrostatne gline, keramziti, škriljci, liskuni, magneziti, opekarne gline, pirofiliti, sumpor, tuf, talk, tehničko-građevinski kamen, arhitektonsko-građevinski kamen, ukrasno i poludrago kamenje, šljunak i pijesak za građevinarstvo van vodenih tokova;
- b) sve sekundarne mineralne sirovine koje se pojavljuju kao neiskorišteni ostatak dobijanja, obogaćivanja i prerade primarnih mineralnih sirovina i
- c) sve nenabrojane mineralne sirovine prirodnog porijekla, koje ne spadaju u nadležnost Federacije Bosne i Hercegovine.

DIO DRUGI - GEOLOŠKA ISTRAŽIVANJA**Član 5.****(Geološka istraživanja u smislu ovog zakona)**

- (1) Pod geološkim istraživanjima, u smislu ovog zakona, podrazumijevaju se istraživanja i ispitivanja koja se vrše s ciljem: upoznavanja sastava i građe zemljine kore; prognoziranja, pronalaženja i utvrđivanja ležišta mineralnih sirovina tj. količina, kvaliteta i geološko-ekonomski efekti iskorištenja čvrstih mineralnih sirovina; utvrđivanja geoloških i geomehaničkih osobina stijena i tla; utvrđivanja geoloških uvjeta za prostorno planiranje i projektovanje građevinskih i rudarskih objekata, zaštita terena od erozije, poplava i drugih prirodnih nepogoda i geološka istraživanja i ispitivanja u cilju zaštite okoliša na prostoru Kantona.
- (2) Geološka istraživanja iz stava (1) ovog člana obuhvataju izvođenje sljedećih specijalističkih istražnih radova: općih geoloških, paleontoloških, stratigrafskih, sedimentoloških, minerološko-petrografskih, geohemijskih, geofizičkih, metalogenetskih, ekonomsko-geoloških, strukturno-geoloških, inženjersko-geoloških, hidrogeoloških, seizmoloških, geomorfoloških, geodinamičkih, geobotaničkih, fotogeoloških, geostatističkih, hemijsko-tehnoloških i drugih istražno-geoloških radova i ispitivanja.

Član 6.**(Faze geoloških istraživanja)**

Osnovne faze geoloških istraživanja u smislu ovog zakona su:

- a) regionalna geološka istraživanja,
- b) detaljna geološka istraživanja i
- c) eksploatacijska geološka istraživanja.

Član 7.**(Regionalna geološka istraživanja)**

- (1) Regionalna geološka istraživanja slijede fazu fundamentalnih istraživanja, a izvode se sa ciljem provjere potencijalne mineralne sirovine do nivoa C1 kategorije sa bitnim pokazateljima za fazu detaljnih geoloških istraživanja i za proučavanje hidrogeoloških i inženjersko-geoloških karakteristika na određenom širem prostoru.
- (2) Podaci istraživanja iz stava (1) ovog člana čine podlogu za programiranje i projektovanje detaljnih geoloških istraživanja.

Član 8.**(Detaljna geološka istraživanja)**

- (1) Detaljna geološka istraživanja mineralne sirovine obavljaju se na prostoru na kome je osnovnim i regionalnim geološkim istraživanjima utvrđeno prisustvo ili mogućnost postojanja potencijalne mineralne sirovine. Na osnovu ovih istraživanja utvrđuje se položaj, količina, kvalitet i mogućnost eksploatacije istražene mineralne sirovine.
- (2) Detaljna geološka istraživanja izvode se sa ciljem proučavanja i ispitivanja detaljnih geoloških, tektonskih, metalogenetskih, hidrogeoloških, geotermalnih, inženjersko-geoloških, geofizičkih, seizmoloških, mehaničkih i drugih geoloških svojstava stijena i tla na užem prostoru i višem stepenu poznavanja geološke građe područja.
- (3) Poseban vid detaljnih geoloških istraživanja je formiranje zbirke minerala, ruda, stijena i fosila u cilju naučnog ili stručnog usavršavanja, obrazovanja, izlaganja ili čuvanja u verifikovanim (mjerodavnim) institucijama kao što su muzeji, instituti i fakulteti.
- (4) Detaljna geološka istraživanja tla i stijena obavezno se vrše prije izrade tehničke dokumentacije za izgradnju:
 - a) objekata bazne i hemijske industrije, crne i obojene metalurgije, objekata za proizvodnju celuloze i papira,
 - b) objekata za preradu kože i krzna, objekata u kojima se proizvode i skladište opasne materije i sličnih objekata i postrojenja koja mogu ugroziti životnu sredinu;
 - c) željezničkih pruga i pratećih objekata,
 - d) postrojenja na tečni i naftni gas,
 - e) autoputeva, magistralnih i regionalnih puteva i pratećih objekata (potpornih konstrukcija, propusta i sl.),
 - f) tunela,
 - g) luka sa pripadajućim lučkim objektima (dokovima, valobranima, obaloutvrdnim zidovima, kranskim stazama i sl.),
 - h) aerodroma i pratećih objekata,
 - i) hidroelektrana i termoelektrana i pratećih objekata,
 - j) visokih brana i akumulacija ispunjenih vodom, jalovinom ili pepelom,
 - k) dalekovoda napona 110 kV i više, trafostanica i rasklopnih postrojenja napona 35 kV i više,
 - l) magistralnih gasovoda i naftovoda,
 - m) međuregionalnih i regionalnih objekata vodosnabdijevanja,
 - n) objekata za prečišćavanje otpadnih voda za gradska naselja,
 - o) međuregionalnih i regionalnih kanizacionih

- sistema,
- p) tranzitnih i glavnih telefonsko-telegrafskih centrala i njima pripadajućih postrojenja i veza između tih centrala,
- q) objekata od posebnog interesa za odbranu zemlje,
- r) objekata radiodifuznih stanica i radiorelejnih sistema,
- s) objekata u kojima se sakuplja veći broj lica (pozorišne, bioskopske, sportske, izložbene i slične dvorane), fakulteta, instituta, škola, predškolskih ustanova, bolnica, stadiona, hotela, poslovnih i stambenih objekata površine više od 1.000 m² i objekata koji imaju četiri i više nadzemnih etaža, autobuskih i željezničkih stanica,
- t) vjerskih objekata,
- u) silosa i vodotornjeva svih vrsta,
- v) hala svih tipova (industrijske, privredne, sportske i dr.),
- w) drumskih, željezničkih i pješačkih mostova,
- x) sanitarnih deponija otpadaka i postrojenja za tretman čvrstog i opasnog otpada,
- y) svih vrsta industrijskih objekata,
- z) stanica i postrojenja za uskladištenje i pretakanje goriva motornih vozila,
- aa) svih vrsta stambenih i poslovnih objekata površine više od 1.000 m² i objekata koji imaju četiri i više nadzemnih etaža, industrijskih i infrastrukturnih objekata u zonama IDŽ^o i više seizmičnosti po MCS skali (Mercalli-Cancani-Siebergova skala), kao i za sve vrste trajnih objekata na uvjetno stabilnim terenima prema opće važećim inženjersko-geološkim kriterijima,
- bb) sistema za meliorizaciju,
- cc) za prostorno i za urbanističko planiranje, a za nivoe za koje su potrebne podloge razmjere 1:10.000, 1:5.000, 1:1.000 itd.

Član 9.

(Eksploataciona geološka istraživanja)

- (1) Eksploataciona geološka istraživanja obuhvataju geološko-rudarske istražne radove za potrebe racionalne eksploatacije mineralne sirovine, zaštite i osiguranje radne sredine, zaposlenika, opreme i objekata u eksploatacijskom prostoru.
- (2) Istražni radovi iz stava (1) ovog člana izvode se sa ciljem:
- a) praćenja sastava i provjere kvaliteta mineralne sirovine projektovane za eksploataciju;
- b) doistraživanja novih količina mineralne sirovine i prekategoriizacije iz nižih u višu kategoriju u cilju obnavljanja rezervi A+B kategorije u ležištu;
- c) praćenja kontinuiteta rasprostiranja mineralne

- sirovine u geološkoj sredini, uz evidentiranje svih tektonskih struktura;
- d) snimanja i prikupljanja podataka o hidrogeološkim uvjetima radi poduzimanja zaštitnih mjera od prodora podzemnih voda u jamske prostorije ili odvodnjavanja površinskih kopova i
- e) permanentnog snimanja i praćenja stanja geološke sredine sa napredovanjem rudarskih radova u jamskim i površinskim rudarskim objektima u cilju zaštite radne sredine i nesmetanog odvijanja eksploatacije u ležištu.
- (3) Privredno društvo - investitor koji vrši eksploataciju mineralne sirovine obavezan je izvoditi istraživanja iz stavova (1) i (2) ovog člana i na osnovu navedenih istražnih radova izrađivati geološke planove i detaljne geološke karte eksploatacijskog polja.

Član 10.

(Geološka istraživanja od interesa za Kanton)

- (1) Geološka istraživanja od posebnog interesa za Kanton su:
- a) regionalna, detaljna i eksploatacijska geološka istraživanja tla, stijena i mineralnih sirovina koja Vlada Zeničko – dobojskog kantona (u daljem tekstu: Vlada Kantona) odlukom proglasi od interesa za Kanton;
- b) izrada geološke dokumentacije, utvrđene odlukom Vlade Kantona i
- c) geološka istraživanja radi zaštite životne sredine.
- (2) Odluku o istraživanju iz stava (1) ovog člana donosi Vlada Kantona na prijedlog Ministarstva za privredu Zeničko – dobojskog kantona (u daljnjem tekstu: Ministarstvo).
- (3) Postupak dodjele odobrenja za istraživanje iz stava (2) ovog člana vrši se u skladu sa propisima iz oblasti javnih nabavki.
- (4) Način i uvjeti dodjele odobrenja za geološka istraživanja iz stava (1) ovog člana propisat će se Pravilnikom koji donosi Ministar Ministarstva za privredu Zeničko – dobojskog kantona (u daljem tekstu: Ministar).

Član 11.

(Sredstva i kriteriji za finansiranje geoloških istraživanja od interesa za Kanton)

- (1) Sredstva za finansiranje geoloških istraživanja od interesa za Kanton iz člana 10. ovog Zakona obezbjeđuju se u Budžetu Kantona.
- (2) Sredstva za geološka istraživanja koriste se na osnovu Kriterija za finansiranje geoloških istraživanja od interesa za Kanton, koje će propisati Ministar.
- (3) Privredna društva, javne ustanove i specijalizirane

institucije za geološka istraživanja konkurišu za budžetska sredstva za istraživanja, prema kriterijima za finansiranje geoloških istraživanja od interesa za Kanton iz stava (1) ovog člana, u skladu sa propisima iz oblasti javnih nabavki.

DIO TREĆI - ISTRAŽNI PROSTOR

Član 12. (Istražni prostor)

- (1) Istražni prostor definiran u programu ili projektu geoloških istraživanja ograničen je koordinatama prelomnih tačaka na topografskoj osnovi u razmjeru do 1:10.000.
- (2) Odobrenje za istraživanje na određenom istražnom prostoru dodjeljuje se privrednom društvu - investitoru u skladu sa ovim zakonom.
- (3) Geološka istraživanja mineralne sirovine dopuštena su samo unutar odobrenog istražnog prostora.

Član 13. (Prostor gdje nisu dozvoljena geološka istraživanja mineralne sirovine)

Geološka istraživanja u cilju eksploatacije mineralne sirovine nisu dozvoljena na prostoru gdje se nalaze vodoprivredni objekti i uređaji za vodosnabdijevanje, objekti i prostori značajni za odbranu, spomenici kulture, prirodne rijetkosti, groblja i prostori zaštićeni u skladu sa drugim zakonima.

DIO ČETVRTI - VOĐENJE KATASTRA

Član 14. (Katastar odobrenih istražnih prostora, ležišta mineralnih sirovina i geoloških pojava)

- (1) Ministarstvo vodi evidenciju i katastar odobrenih istražnih prostora za odobrenja izdata na području Kantona.
- (2) Ministarstvo je obavezno po donošenju rješenja dostavljati nadležnom Federalnom ministarstvu rješenje o odobrenom istražnom prostoru iz stava (1) ovog člana radi uvođenja u katastar istražnih prostora za područje cijele Federacije BiH.
- (3) Način vođenja evidencije i katastra odobrenih istražnih prostora, ležišta mineralnih sirovina i katastra geoloških pojava na području Kantona propisat će se Pravilnikom koji donosi Ministar.

DIO PETI - IZRADA I REVIZIJA GEOLOŠKE DOKUMENTACIJE, ODOBRENJE ZA BAVLJENJE REGISTRIRANOM DJELATNOŠĆU IZ OBLASTI GEOLOGIJE

Član 15. (Tehnička dokumentacija za izvođenje geoloških istraživanja)

- (1) Regionalna geološka istraživanja vrše se na osnovu programa za istraživanje i ispitivanje urađenog od privrednog društva ili javne ustanove koja ispunjava uvjete propisane važećim propisima iz oblasti geologije na nivou Federacije BiH.
- (2) Detaljna i eksploatacijska geološka istraživanja izvode se na osnovu projekta za istraživanje i ispitivanje urađenog od privrednog društva ili javne ustanove koja ispunjava uvjete propisane važećim propisima iz oblasti geologije na nivou Federacije BiH.
- (3) Program i projekat geoloških istraživanja izrađivat će se prema važećim propisima iz oblasti geologije na nivou Federacije BiH.

Član 16. (Dokumentacija za geološka istraživanja potrebna za građenje stambenih i drugih objekata)

- (1) Detaljna geološka istraživanja tla za građenje stambenih i drugih građevinskih objekata za čiju su izgradnju propisana obavezna geološka istraživanja tla vrše se na osnovu projekta istraživanja čiji se rezultati prezentuju u elaboratu o izvedenim istražnim radovima.
- (2) Za individualne i samostojeće objekte i standardna geomehanička ispitivanja nije neophodna prethodna izrada projekta istraživanja.
- (3) Obavljanje istraživanja iz stava (1) ovog člana vrši se na osnovu odobrenja Ministarstva.

Član 17. (Stručna lica koja se mogu baviti izradom i revizijom geološke dokumentacije i rukovođenjem istražnim geološkim radovima)

- (1) Izradom programa i projekata za osnovna i regionalna geološka istraživanja, revizijom i rukovođenjem tim istražnim radovima mogu se baviti diplomirani inženjeri geologije sa položenim stručnim ispitom i radnim iskustvom u struci od najmanje pet godina.
- (2) Izradom projekata detaljnih geoloških istraživanja, elaborata o klasifikaciji, kategorizaciji i proračunu

rezervi mineralne sirovine, podzemnih voda, revizijom projektne i druge tehničke dokumentacije, te rukovođenjem istražnim radovima mogu se baviti diplomirani inženjeri geologije sa položenim stručnim ispitom i radnim iskustvom u struci od najmanje tri godine.

- (3) Izradom i revizijom projektne, tehničke i druge dokumentacije za eksploatacijska geološka istraživanja i rukovođenjem istražnim radovima mogu se baviti diplomirani inženjeri geologije sa položenim stručnim ispitom i radnim iskustvom od tri godine.
- (4) Pri izradi projektne, tehničke i druge dokumentacije za geološka istraživanja, poslove specijalističkih ispitivanja koja su predviđena projektnom dokumentacijom (minerološka, geomehanička, geofizička i dr.) mogu obavljati i stručna lica građevinske, rudarske, hemijske, tehnologije nemetalnih materijala, tehnološke i druge struke u skladu sa ovim zakonom.

Član 18.

(Revizija geološke dokumentacije)

- (1) Programi i projekti geoloških istraživanjima obavezno podliježu reviziji u pogledu kvaliteta, opravdanosti izvođenja istražnih radova, mjera i normativa zaštite na radu pri izvođenju geoloških istraživanja, uticaja i zaštite okoline, uticaja projektovanih istražnih radova na sigurnost podzemnih i površinskih objekata i ljudi, kao i u pogledu primjene savremenih metoda i dostignuća geološke nauke i usaglašenosti sa tehničkim propisima, normativima i standardima.
- (2) Reviziju programa, projekata, izvještaja i elaborata o geološkim istraživanjima može vršiti samo privredno društvo ili javna ustanova koja je registrirana za izradu geološke dokumentacije u skladu sa važećim propisima iz oblasti geologije na nivou Federacije i Zakonom o privrednim društvima ("Službene novine Federacije BiH", br. 23/99, 45/00, 2/02, 6/02, 29/03, 68/05, 91/07, 84/08, 88/08, 7/09 i 63/10), a koja nije učestvovala u izradi programa, projekta i izvještaja o geološkim istraživanjima.
- (3) Privredno društvo ili javna institucija koja vrši reviziju programa, projekta i elaborata, kao i stručno lice koje je vršilo reviziju preuzima odgovornost u pogledu izvršene revizije.
- (4) Sadržaj i način izrade programa i projekta za istraživanja i izvještaja i elaborata o izvršenim geološkim istraživanjima, te uvjeti i postupak vršenja revizije vrši se prema važećim propisima iz oblasti geologije na području Federacije.
- (5) Izvještaji i elaborati o izvršenim geološkim istraži-

vanjima podliježu obaveznoj reviziji u cilju pregleda kvaliteta i pouzdanosti podataka i rezultata istraživanja.

- (6) Reviziju izvještaja i elaborata vrši privredno društvo ili javna ustanova koja je registrirana za izradu geološke dokumentacije.
- (7) Reviziju izvještaja i elaborata o izvršenim geološkim istraživanjima od interesa za Kanton vrši stručna komisija koju imenuje ministar Ministarstva. U stručnu komisiju imenuju se stručna lica geološke struke koja ispunjavaju uvjete propisane članom 17. stav (1), (2) i (3) ovog zakona. Za člana stručne komisije imenuju se i stručna lica geološke struke iz Ministarstva.
- (8) Stručnoj komisiji pripada naknada za rad. Imenovanje, rad i naknada za rad stručne komisije iz stava (7) ovog člana i člana 38. ovog zakona propisuje se Pravilnikom koji donosi Ministar.

DIO ŠESTI - POSTUPAK ODOBRAVANJA GEOLOŠKIH ISTRAŽIVANJA

Član 19.

(Uvjeti za izvođenje geoloških istraživanja)

- (1) Privredno društvo - investitor može osigurati izvođenje geoloških istraživanja samo na osnovu pribavljenog odobrenja za izvođenje geoloških istraživanja od nadležnog organa iz člana 20. ovog zakona.
- (2) Izradu geološke dokumentacije i izvođenje istražnih geoloških radova može vršiti samo privredno društvo ili javna ustanova koja ispunjava uvjete propisane važećim propisom na nivou Federacije BiH koji reguliše ovu oblast.

Član 20.

(Nadležnosti za izdavanje odobrenja za izvođenje geoloških istraživanja)

- (1) Geološka istraživanja vrše se na osnovu odobrenja nadležnog organa uprave.
- (2) O zahtjevu za izdavanje odobrenja za izvođenje regionalnih i detaljnih geoloških istraživanja za mineralne sirovine iz člana 4. ovog zakona rješava Ministarstvo.

Član 21.

(Zahtjev za odobrenje za izvođenje regionalnih i detaljnih geoloških istraživanja)

- (1) Zahtjev za odobrenje izvođenja geoloških istraživanja privredno društvo - investitor podnosi Ministarstvu.

- (2) Zahtjev za izvođenje regionalnih i detaljnih geoloških istraživanja sadrži:
- a) naziv podnosioca zahtjeva,
 - b) predmet istraživanja (vrsta mineralne sirovine),
 - c) vrstu i obim istražnih radova,
 - d) prostor za istraživanje (opis veličine prostora, površina, oblik, morfologija i drugo) i
 - e) vrijeme početka i završetka istraživanja.
- (3) Uz zahtjev iz stava (1) ovog člana privredno društvo – investitor je dužan priložiti:
- a) topografsku osnovu (situacioni plan - kartu sa ucrtanim granicama istražnog prostora, određenog koordinatama prelomnih tačaka);
 - b) kopiju katastarskog plana, zemljišnoknjižne izvatke i posjedovne listove za sve parcele unutar istražnog prostora;
 - c) urbanističku saglasnost za istraživanje definirana programom ili projektom istraživanja, izdatu od nadležnog ministarstva za prostorno uređenje;
 - d) program regionalnih istraživanja ili projekat detaljnih geoloških istraživanja određene mineralne sirovine, podzemnih voda i detaljnih geoloških istraživanja u druge namjene;
 - e) izvještaj o izvršenoj reviziji programa, odnosno projekat istraživanja;
 - f) dokaz o registraciji privrednog društva - investitora sa šiframa djelatnosti koje se odnose na eksploataciju mineralne sirovine za koju se zahtjev podnosi;
 - g) dokaze o upisu u registar društava i odobrenje nadležnog organa za bavljenje registrovanom djelatnošću za privredno društvo ili javnu ustanovu koja je izradila i revidirala projekt geoloških istraživanja;
 - h) saglasnost za obavljanje istražnih radova od vlasnika zemljišta na kojem će se vršiti istraživanje.

Član 22.

(Odobrenje za izvođenje geoloških istraživanja)

- (1) Odobrenje za izvođenje geoloških istraživanja iz člana 20. stav (1) ovog zakona je upravni akt, koji sadrži:
- a) predmet istraživanja;
 - b) naziv privrednog društva - investitora kome je odobreno istraživanje mineralne sirovine;
 - c) naziv istražnog prostora definiran koordinatama prelomnih tačaka i katastarske čestice prostora na kome će se izvršiti projektovani obim i vrsta istražnih radova;
 - d) veličinu istražnog prostora;
 - e) najmanji obim i vrstu istražnih radova koji se

moraju izvršiti;

- f) najveću količinu mineralne sirovine koja se može izvaditi u cilju ispitivanja kvaliteta i hemijsko-tehnoloških osobina;
 - g) uvjete i ograničenja kojih se mora pridržavati privredno društvo kojem je odobreno istraživanje pri izvođenju istražnih radova;
 - h) rok do kojeg se mora početi sa istraživanjem;
 - i) rok za podnošenje izvještaja o provedenom istraživanju;
 - j) obaveza dovođenja zemljišta u prvobitno stanje nakon istraživanja.
- (2) Vremenski period izvođenja odobrenih geoloških istraživanja određuje se u skladu sa dinamikom predviđenom programom ili projektom geoloških istraživanja.
- (3) Važenje odobrenja za geološka istraživanja može se, na zahtjev privrednog društva - investitora, produžiti za još jedan period naznačen u odobrenju, ako se nisu promijenili uvjeti u skladu sa kojima je izdato odobrenje za istraživanje i ukoliko je izvedeno više od 50% projektovanih istražnih radova.

Član 23.

(Vođenje postupka za izdavanje odobrenja za geološka istraživanja)

- (1) Ministarstvo je dužno u postupku izdavanja odobrenja za geološka istraživanja utvrditi da li je program ili projekt geoloških istraživanja izrađen u skladu sa pravilnikom o sadržaju programa i projekta geoloških istraživanja, donesenim na nivou Federacije BiH i u skladu sa ovim zakonom.
- (2) U postupku izdavanja odobrenja za izvođenje geoloških istraživanja iz člana 20. stav (2) ovog zakona Ministarstvo zakazuje usmenu raspravu pozivom u kojem se navodi mogućnost uvida strankama u postupku u podnesenu projektnu dokumentaciju.
- (3) Na usmenu raspravu se pozivaju pravno lice na čiji zahtjev se vodi postupak izdavanja odobrenja, privredno društvo - investitor koje vrši istraživanje ili eksploataciju, a čije istražno ili eksploatacijsko polje neposredno graniči sa istražnim poljem za koje se vodi postupak odobrenja, općine kojoj teritorijalno pripada istražni prostor.
- (4) Poziv na usmenu raspravu dostavlja se strankama u postupku i na oglasnu tablu općine kojoj teritorijalno pripada istražni prostor, najmanje osam dana prije roka održavanja usmene rasprave koji je naveden u pozivu.
- (5) Ministarstvo je dužno u roku od 15 dana od dana podnošenja zahtjeva podnosioca pisano pozvati na ispravku podneska ako ne ispunjava propisane uvjete za izdavanje odobrenja za geološka istraživanja,

odnosno obavijestiti ga o potrebi dopune zahtjeva sa traženim dokumentima.

- (6) Podnosilac zahtjeva dužan je upotpuniti zahtjev u ostavljenom roku, a najkasnije u roku od 15 dana od dana prijema pisane obavijesti.
- (7) U postupku izdavanja odobrenja za izvođenje geoloških istraživanja primjenjuju se propisi o upravnom postupku, ukoliko odredbama ovog zakona nije drugačije utvrđeno.

Član 24.

(Odbijanje zahtjeva za geološka istraživanja)

Zahtjev za odobrenje za geološka istraživanja odbit će se rješenjem ako:

- a) podnosilac zahtjeva u roku od 15 dana od zatražene dopune iz člana 23. stav (5) ovog zakona ne upotpuni zahtjev,
- b) privredno društvo - investitor nije registriran kod nadležnog suda i ne ispunjava propisane uvjete za izdavanje odobrenja za geološka istraživanja,
- c) se u postupku izdavanja odobrenja utvrdi da bi se istražnim radovima ugrozila sigurnost i zdravlje ljudi i imovine ili ako bi se istražnim radovima ometao obavljanje drugih djelatnosti,
- d) je drugom privrednom društvu - investitoru već izdato odobrenje na istom istražnom prostoru za istu vrstu mineralne sirovine,
- e) se izvršenom revizijom programa ili projekta zaključi da nije opravdano vršiti istraživanje.

Član 25.

(Ukidanje odobrenja za izvođenje geoloških istraživanja)

- (1) Privrednom društvu – investitoru odobrenje za izvođenje geoloških istraživanja ukida se ako:
 - a) i pored naloga kantonalnog rudarsko-geološkog inspektora nisu provedene mjere zaštite okoliša, zaštite na radu, potrebne mjere za sigurnost ljudi i imovine i ne sprovode propisani urbanistički, vodoprivredni i ekološki uslovi;
 - b) se istražnim radovima ometaju ili ugrožavaju drugi radovi na istom ili susjednom prostoru;
 - c) se istraživanje izvodi neracionalno i time ugrožava buduća eksploatacija mineralne sirovine na tom ili drugom istražnom prostoru;
 - d) ako se blagovremeno ne nadoknađuje šteta na privatnom posjedu pričinjena u toku istraživanja;
 - e) se pod vidom istraživanja vrši eksploatacija mineralne sirovine i
 - f) se istraživanje ne obavlja u skladu sa odobrenim programom ili projektom geoloških istraživanja

i uslovima utvrđenim u izdatom odobrenju za istraživanje.

- (2) U slučajevima iz stava (1) ovog člana, privredno društvo nema pravo na naknadu sredstava uložених u istraživanje.
- (3) Odobrenje za izvođenje geoloških istraživanja će Ministarstvo rješenjem ukinuti ako postoji neki od razloga iz stava (1) ovog člana.

Član 26.

(Odobrenje za geološka istraživanja za proširenje eksploatacionog polja)

- (1) Za izvođenje geoloških istraživanja za mineralnu sirovinu na već odobrenom istražnom prostoru u cilju proširenja eksploatacionog polja i prevođenja rezervi iz jedne u drugu kategoriju, privredno društvo - investitor koji je korisnik istražnog prostora podnosi zahtjev Ministarstvu u skladu sa članom 21. ovog zakona.
- (2) Ministarstvo izdaje rješenje sa ograničenim prostorom za istraživanje u skladu sa članovima 22., 23. i 24. ovog zakona, u cilju osiguranja novoistraženih rezervi odgovarajuće kategorije i klase za tekuću proizvodnju.

Član 27.

(Odobrenje za istraživanje različitih mineralnih sirovina)

Na isti istražni prostor može se izdati više odobrenja za istraživanje, ako se odnose na različite vrste istraživanja ili različite mineralne sirovine i ako se istražni radovi mogu nesmetano odvijati.

DIO SEDMI - IZVOĐENJE GEOLOŠKIH ISTRAŽIVANJA

Član 28.

(Prijava početka izvođenja istražnih radova)

Privredno društvo ili javna ustanova koja vrši geološka istraživanja ili investitor tih radova dužni su prijaviti početak istražnih radova Ministarstvu, najkasnije 15 dana prije početka istraživanja.

Član 29.

(Izvođenje istražnih radova i izrada elaborata o klasifikaciji, kategorizaciji i proračunu rezervi mineralne sirovine)

- (1) Privredno društvo - investitor dužno je osigurati izvođenje istražnih radova i izradu elaborata o klasifikaciji, kategorizaciji i proračunu rezervi mineralne

sirovine u skladu sa programom, odnosno projektom istraživanja.

- (2) Elaborat o klasifikaciji, kategorizaciji i proračunu rezervi mineralne sirovine izradit će se prema važećim propisima na nivou Federacije BiH.

Član 30.

(Primjena propisa pri izvođenju geoloških istraživanja)

Privredno društvo ili javna ustanova koja vrši geološka istraživanja mineralne sirovine dužna je izvoditi radove prema odobrenom programu, odnosno projektu geoloških istraživanja, ovom zakonu, tehničkim propisima, normativima i standardima koji važe za izvođenje tih radova, provoditi propisane mjere zaštite na radu, blagovremeno poduzimati mjere za zaštitu građana i imovine, poduzimati propisane mjere zaštite okoliša i istražne radove izvoditi prema urbanističkim, vodoprivrednim, građevinskim i okolišnim uvjetima.

Član 31.

(Evidencije u toku izvođenja geoloških istraživanja)

- (1) Pri izvođenju istražnih radova može se vaditi mineralna sirovina u količinama koje zahtijevaju istražni radovi i tehnološka ispitivanja a određena je u odobrenju za geološka istraživanja iz člana 22. ovog zakona.
- (2) Privredno društvo - investitor u toku izvođenja istraživanja dužan je voditi evidenciju o izvađenim količinama mineralnih sirovina, o mjestu deponovanja i prodaji ili korištenju u druge namjene.
- (3) Privredno društvo ili javna ustanova dužna je utvrditi i voditi evidenciju o utvrđenim osnovnim obilježjima drugih mineralnih sirovina otkrivenih tokom istraživanja na odobrenom istražnom prostoru, kao i o posebnim karakteristikama istražnog prostora (klizišta, vode, gasovi, kora raspadanja i sadržaj korisnih mineralnih sirovina).
- (4) Privredno društvo ili javna ustanova dužna je, ukoliko pri izvođenju istražnih radova naiđe na karakteristične fosile, minerale, rude i stijene o tome obavijestiti instituciju nadležnu za njihovo prikupljanje i čuvanje.
- (5) Vađenje mineralnih sirovina u toku istraživanja mora se izvoditi prema odgovarajućim propisima koji se primjenjuju u oblasti rudarstva.

Član 32.

(Geološka istraživanja u odobrenom eksploatacijskom polju)

- (1) Privredno društvo - investitor koji se bavi eksploatacijom mineralne sirovine dužan je putem geološke službe, u okviru svog eksploatacijskog polja pratiti eksploataciju i na osnovu projekata istraživanja izvoditi detaljna i eksploatacijska geološka istraživanja u cilju sveobuhvatnog izučavanja geoloških svojstava ležišta, prekategoriizaciju rezervi i praćenje kvaliteta mineralne sirovine.
- (2) Privredno društvo - investitor dužan je na osnovu plana geoloških istraživanja izraditi projekt geoloških istraživanja i elaborat o rezervama i kvalitetu mineralne sirovine u okviru eksploatacijskog polja.
- (3) Obaveza privrednog društva - investitora koji vrši eksploataciju mineralne sirovine je da osniva i vodi knjigu evidencije rezervi mineralne sirovine i svake godine do 15. marta tekuće godine za prethodnu godinu Ministarstvu dostavlja izvještaj o stanju i kvalitetu mineralne sirovine.
- (4) Privredno društvo - investitor koji se bavi eksploatacijom mineralne sirovine, ukoliko nema svoju geološku službu dužan je poslove geološke djelatnosti povjeriti privrednom društvu ili javnoj ustanovi koja ispunjava uvjete za obavljanje tih poslova za period dok traje eksploatacija.
- (5) Za istraživanje odobrene mineralne sirovine u okviru eksploatacijskog polja nije potrebno odobrenje Ministarstva. Eksploatacijska geološka istraživanja u odobrenom eksploatacijskom polju privredna društva izvode u skladu sa godišnjim planom istraživanja i na osnovu revidovanog projekta istraživanja koji odobrava rukovodilac privrednog društva.

Član 33.

(Geološka istraživanja neodobrene mineralne sirovine u odobrenom eksploatacijskom polju)

Za istraživanje novootkrivene mineralne sirovine u odobrenom eksploatacijskom polju, čija eksploatacija nije odobrena, privredno društvo - investitor koji vrši eksploataciju dužan je pribaviti odobrenje od Ministarstva.

Član 34.

(Ustupanje rezultata izvedenih geoloških istraživanja ležišta mineralne sirovine)

Privredno društvo - investitor koji je ulaganjem vlastitih sredstava obavio istraživanje jednog ili više ležišta mineralne sirovine može rezultate istraživanja uz naknadu utvrđenu ugovorom, ustupiti drugom privrednom

društvu - investitoru, uz prethodno pribavljeno odobrenje Ministarstva.

DIO OSMI - IZVJEŠTAJI O GEOLOŠKIM ISTRAŽIVANJIMA I DOSTAVA PODATAKA FEDERALNOM ZAVODU ZA GEOLOGIJU

Član 35.

(Elaborat i izvještaj o provedenim geološkim istraživanjima)

- (1) Privredno društvo - investitor dužan je Ministarstvu koje je izdalo odobrenje u toku istraživanja u rokovima utvrđenim u odobrenju za istraživanje podnositi periodične izvještaje o izvršenim istražnim radovima, rezultatima istraživanja mineralne sirovine i drugim podacima o kojima vodi evidenciju prema članu 31. ovog zakona i o planiranim istraživanjima u druge namjene.
- (2) Privredno društvo - investitor dužan je Ministarstvu podnositi godišnji izvještaj o rezultatima istraživanja do 15. marta tekuće za proteklu godinu.
- (3) Nakon završetka ili trajnog obustavljanja istraživanja privredno društvo - investitor dužan je Ministarstvu podnijeti elaborat sa dokumentacijom o obimu izvedenih istražnih radova, eventualnim odstupanjima od projekta istraživanja, rezultatima istraživanja i tehnoloških ispitivanja za period u kojem su izvođeni istražni radovi koji sadrži i podatke iz stava (1) ovog člana i člana 31. ovog zakona.
- (4) Elaborat o završenim istraživanjima tla i stijena za gradnju objekata sadrži posebno podatke o inženjersko-geološkim i hidrogeološkim karakteristikama, te podatke o geomehaničkim i geotehničkim svojstvima tla i stijena, kao i zaključak da li se na navedenom lokalitetu, sa aspekta geologije, može i pod kojim uslovima graditi predmetni objekat.

Član 36.

(Dostava podataka Federalnom zavodu)

Privredna društva - investitori koja vrše istraživanje, finansiraju i organizuju geološka istraživanja, posebno građevinska, rudarska, vodoprivredna, šumarska i poljoprivredna dužna su Federalnom zavodu za geologiju dostavljati podatke o vrsti i obimu istraživačkih radova i visini ulaganja finansijskih sredstava u te radove u skladu sa članom 35. ovog zakona s ciljem izrade baze podataka o geološkim istraživanjima.

DIO DEVETI - IZDAVANJA RJEŠENJA O PRIZNAVANJU REZERV I MINERALNE SIROVINE

Član 37.

(Izrada elaborata o klasifikaciji, kategorizaciji i proračunu rezervi mineralne sirovine)

- (1) Po završetku detaljnih geoloških istraživanja privredno društvo - investitor dužan je izraditi elaborat o klasifikaciji, kategorizaciji i proračunu rezervi mineralne sirovine sa geološko-ekonomskom ocjenom i domenom primjene mineralne sirovine.
- (2) Ministarstvo donosi rješenje - upravni akt o potvrđenim količinama i kvalitetu mineralne sirovine.
- (3) Rezerve mineralne sirovine razvrstavaju se u klase i kategorije u skladu sa Pravilnikom o klasifikaciji, kategorizaciji i proračunu rezervi čvrstih mineralnih sirovina i podzemnih voda, donesenim na nivou Federacije Bosne i Hercegovine.

Član 38.

(Vođenje postupka za izdavanje rješenja kojim se potvrđuje količina i kvalitet mineralne sirovine)

- (1) Privredno društvo - investitor dužan je 15 dana nakon izrade elaborata podnijeti zahtjev za reviziju elaborata Ministarstvu koje je izdalo odobrenje za istraživanje mineralne sirovine.
- (2) Elaborat o klasifikaciji, kategorizaciji i proračunu rezervi mineralne sirovine (u daljnjem tekstu: elaborat) podliježe obaveznoj reviziji od stručne komisije koju prema zahtjevu imenuje Ministarstvo.
- (3) Prema zahtjevu za reviziju elaborata privrednog društva - investitora, Ministarstvo donosi rješenje o imenovanju stručne komisije za reviziju elaborata. U stručnu komisiju imenuju se stručna lica geološke struke koja ispunjavaju uvjete propisane članom 17. stav (1), (2) i (3) ovog zakona. Za članove stručne komisije imenuju se i stručna lica geološke struke iz Ministarstva. Stručnoj komisiji pripada naknada za rad. Imenovanje, rad i naknada za rad stručne komisije iz ovog člana propisuje se Pravilnikom koji donosi ministar Ministarstva.
- (4) Troškove rada stručne komisije za reviziju elaborata snosi privredno društvo - investitor koji je podnio zahtjev za reviziju elaborata.
- (5) Ministarstvo organizuje reviziju na koju poziva stručnu komisiju, podnosioca zahtjeva i privredno društvo ili javnu ustanovu koja je nosilac izrade elaborata. U toku revizije Ministarstvo sastavlja zapisnik.
- (6) Nakon što stručna komisija prihvati elaborat Mi-

nistarstvo izdaje rješenje o potvrđivanju količine i kvaliteta mineralne sirovine na određenom istražnom prostoru.

- (7) Ministarstvo dostavlja primjerak Elaborata o klasifikaciji, kategorizaciji i proračunu rezervi Federalnom zavodu za geologiju za potrebe Fonda stručne dokumentacije.
- (8) Ministarstvo dostavlja jedan primjerak rješenja o potvrđenim količinama i kvalitetu mineralne sirovine Federalnom ministarstvu nadležnom za geologiju i rudarstvo radi evidentiranja i prikupljanja podataka o rezervama mineralne sirovine i o bilansu rezervi.

Član 39.

(Rješenje o potvrđivanju količina i kvaliteta mineralne sirovine)

Rješenjem o potvrđivanju količine i kvaliteta mineralnih sirovina određuje se:

- a) naziv privrednog društva - investitora kome je odobreno istraživanje mineralne sirovine;
- b) precizno definisan istražni prostor, naziv, površina, koordinate i katastarke čestice;
- c) vrsta mineralne sirovine;
- d) potvrđena količina bilansnih rezervi mineralne sirovine;
- e) potvrđena količina vanbilansnih rezervi (nije obavezna);
- f) potvrđen kvalitet mineralne sirovine:
 - 1) hemijski sastav mineralne sirovine,
 - 2) fizičko-mehaničke osobine mineralne sirovine;
- g) mogućnost primjene;
- h) koordinate istražnog prostora.

Član 40.

(Nadomirivanje eksploatisanih količina mineralne sirovine)

- (1) Privredno društvo - investitor koji vrši eksploataciju mineralne sirovine dužan je eksploatisane količine mineralne sirovine nadomiriti novoistraženim rezervama odgovarajuće kategorije i klase za tekuću proizvodnju (izvršiti prekategoriizaciju).
- (2) Privredno društvo - investitor iz stava (1) ovog člana dužan je izraditi i dostaviti na reviziju Ministarstvu Elaborat o klasifikaciji, kategorizaciji i proračunu rezervi mineralne sirovine u istražnom, odnosno eksploatacijskom polju svake pete godine za ležišta čije rezerve osiguravaju tekuću proizvodnju na period od deset godina, a svake sedme godine za ležišta čije rezerve osiguravaju proizvodnju za period duži od deset godina.

DIO DESETI - POSTUPAK NAKON ZAVRŠETKA ISTRAŽIVANJA

Član 41.

(Zaštita istražnog prostora nakon završetka istraživanja)

Nakon završetka ili trajnog obustavljanja istražnih radova privredno društvo - investitor dužan je na istražnom prostoru provesti sve mjere zaštite kojima se isključuje mogućnost nastupanja opasnosti za ljude i imovinu, a zemljište oštećeno istraživanjem dužan je osposobiti za korištenje u skladu sa odobrenjem iz člana 22. ovog zakona.

Član 42.

(Obaveze po završetku ili trajnoj obustavi geoloških istraživanja)

- (1) Nakon završetka ili trajnog obustavljanja istražnih radova privredno društvo - investitor dužan je obavijestiti Ministarstvo o provedenim mjerama sigurnosti i saniranja istražnog prostora.
- (2) Ministarstvo je dužno provjeriti da li su provedene mjere dovoljne i da li se njima isključuje mogućnost nastupanja opasnosti za ljude i imovinu.
- (3) Ako Ministarstvo iz stava (1) ovog člana utvrdi da su provedene mjere osiguranja dovoljne, obavijestit će o tome privredno društvo kojem je odobreno istraživanje.
- (4) Ako Ministarstvo koje je donijelo odobrenje za istraživanje utvrdi da provedene mjere osiguranja nisu dovoljne, naložit će privrednom društvu - investitoru da u određenom roku ukloni utvrđene nedostatke, odnosno provede i druge mjere osiguranja.
- (5) Ako privredno društvo - investitor ne postupi prema nalogu iz stava (4) ovog člana, organ koji je izdao nalog provest će potrebne mjere osiguranja o trošku privrednog društva kojem je odobreno istraživanje.

DIO JEDANAESTI – UPRAVNI NADZOR

Član 43.

(Provođenje upravnog nadzora)

- (1) Upravni nadzor nad provođenjem ovog zakona i propisa donesenih na osnovu ovog zakona, te zakonitost rada i postupanja tijela nadležnih organa uprave i lica koja imaju javne ovlasti u njima povjerenim im upravnim i drugim stručnim poslovima koji se odnose na područje geoloških istraživanja, provodi Ministarstvo.
- (2) Upravni nadzor provodi službenik Ministarstva, kojeg ovlasti Ministar.

Član 44.**(Poništenje i ukidanje po pravu nadzora)**

- (1) Ako se u provođenju upravnog nadzora, odnosno nadzora koji provodi kantonalni rudarsko-geološki inspektor utvrdi da su rješenjem nadziranog tijela ili pravnog lica iz člana 43. ovog zakona, koje je konačno u upravnom postupku, povrijeđene materijalne odredbe zakona ili propisa donesenih na osnovu zakona koji uređuje područje geoloških istraživanja, Ministarstvo će takvo rješenje ukinut po pravu nadzora.
- (2) Ako se u provođenju upravnog nadzora ili nadzora koji provodi kantonalni rudarsko-geološki inspektor utvrdi da su odobrenjem za izvođenje istražnih radova, rješenjem o potvrđivanju količine i kvaliteta mineralne sirovine, odobrenjem o obavljanju registrirane djelatnosti iz oblasti geoloških istraživanja i odobrenjem o upotrebi laboratorija, postrojenja i opreme za geološka istraživanja, koja su konačna u upravnom postupku, očito povrijeđene materijalne odredbe ovog zakona, Ministarstvo će takvu dozvolu, odnosno rješenje ukinut po pravu nadzora.
- (3) Ako se u provođenju nadzora utvrdi da su rješenjem inspekcije, koje je konačno u upravnom postupku, povrijeđene odredbe ovog zakona nadležno ministarstvo takvo rješenje će poništiti po pravu nadzora.
- (4) Rješenje o poništenju, odnosno ukidanju po pravu nadzora može se donijeti u roku od godinu dana od dana konačnosti akta koji se ukida, odnosno poništava.

Član 45.**(Rudarsko-geološki inspektor)**

- (1) Inspeksijski nadzor vrši kantonalni rudarsko - geološki inspektor (u daljnjem tekstu: inspektor).
- (2) Poslove rudarsko-geološkog inspektora može obavljati diplomirani inženjer geologije, odnosno diplomirani inženjer rudarstva sa radnim iskustvom u struci od najmanje pet godine i sa položenim stručnim ispitom i stručnim upravnim ispitom.

Član 46.**(Nadležnost inspekcije)**

U vršenju nadzora inspektor kontroliše da li:

- a) je privredno društvo - investitor za izvođenje geoloških istraživanja pribavio odobrenja u skladu sa članovima 19. i 23. ovog zakona i da li se radovi izvode u skladu sa odobrenom projektnom dokumentacijom;
- b) privredno društvo ili javna ustanova koja vrši geološka istraživanja poštuje zakone i tehničke propise, normative i standarde koji se odnose na izvođenje

tih radova i provodi propisane mjere zaštite građana, imovine i mjere zaštite okoliša iz člana 30. ovog zakona;

- c) lica koja se bave izradom i revizijom dokumentacije za geološka istraživanja ispunjavaju uvjete propisane članom 17. ovog zakona;
- d) privredno društvo - investitor koji se bavi eksploatacijom redovno dopunjava geološke planove - karte i ostalu dokumentaciju potrebnu za pravilno tehničko i racionalno izvođenje rudarskih radova i vrši ostale propisane radove u skladu sa članovima 9., 31., 35. i 40. ovog zakona;
- e) privredno društvo - investitor vađenje mineralnih sirovina pri istražnim radovima vrši u skladu sa članom 31. ovog zakona;
- f) privredno društvo - investitor pri izvođenju istražnih radova podnosi izvještaj u skladu sa članom 35. ovog zakona.

Član 47.**(Prava i dužnosti inspektora)**

- (1) Pri vršenju inspeksijskog nadzora inspektor ima pravo:
 - a) nesmetanog vršenja inspeksijskog pregleda i ulaska u prostore gdje se izvode istražni radovi, tražiti podatke, dokumente i izvještaje koji su potrebni pri vršenju inspeksijskog pregleda,
 - b) pregledati tehničku i drugu dokumentaciju,
 - c) utvrditi identitet lica koja izvode istražne radove,
 - d) privremeno oduzeti tehničku dokumentaciju ili je fotokopirati,
 - e) fotografisati lokacije na kojima je zabranio radove,
 - f) tražiti potrebne podatke ili osnovne uzorke mineralnih sirovina ili drugog materijala,
 - g) tražiti pomoć stručne organizacije ili pojedinih stručnih lica,
 - h) privremeno zabraniti izvođenje geoloških i rudarskih radova.
- (2) Inspektor može u trajanju do osam dana izuzeti dokumentaciju potrebnu za utvrđivanje činjeničnog stanja o razmatranom predmetu, ako je mišljenja da su očigledno prekršene odredbe ovog zakona, tehničkih propisa i propisa iz oblasti zaštite i zdravlja na radu i drugih propisa donesenih na osnovu ovog zakona, ili ako sumnja da je učinjen prekršaj.
- (3) O izuzimanju dokumentacije iz stava (2) ovog člana inspektor privrednom društvu - investitoru izdaje potvrdu sa popisom izuzete dokumentacije.

Član 48.**(Dužnosti privrednog društva - investitora i privrednog društva ili javne ustanove koji izvođe geološke istražne radove)**

- (1) Privredno društvo - investitor i privredno društvo ili javna ustanova koja izvođa geološke istražne radove dužni su omogućiti inspektorima vršenje inspeksijskog nadzora.
- (2) Privredno društvo - investitor i privredno društvo ili javna ustanova koja izvođa geološke istražne radove dužni su omogućiti uvid u svu dokumentaciju društva, a na traženje inspektora odrediti jedno ili više lica koja će učestvovati u utvrđivanju činjeničnog stanja pri vršenju inspeksijskog pregleda.

Član 49.**(Zapisnik o inspeksijskom pregledu)**

- (1) O izvršenom inspeksijskom pregledu inspektor je obavezan sastaviti zapisnik. Utvrđene nedostatke i nepravilnosti o inspeksijskom pregledu inspektor je dužan konstatirati zapisnikom o izvršenom inspeksijskom pregledu.
- (2) Zapisnik sastavlja inspektor koji je izvršio inspeksijski pregled. Ako je inspeksijski pregled izvršilo istovremeno više inspektora po istom nalogu (kolektivni inspeksijski pregled), u tom slučaju zajednički sastavljaju jedan zapisnik.
- (3) Zapisnik osim navoda propisanih u propisu o upravnom postupku sadrži i navode koje je neophodno navesti u vršenju inspeksijskog pregleda.
- (4) Zapisnik o inspeksijskom pregledu je javna isprava osim onih dijelova zapisnika u kojima je subjekt nadzora dao primjedbu da nije pravilno sastavljen.

Član 50.**(Upravne mjere koje se nalažu rješenjem)**

Ukoliko inspektor utvrdi da privredno društvo - investitor, odnosno privredno društvo ili javna ustanova ne postupi ili nepotpuno postupi prema obavezama koje su mu određene propisima, dužan je prema utvrđenom činjeničnom stanju u zapisniku o izvršenom inspeksijskom pregledu naložiti odgovarajuće upravne mjere i to:

- a) narediti otklanjanje utvrđenih nedostataka i nepravilnosti na način i u roku kako je određeno ovim zakonom i propisima donesenim na osnovu njega;
- b) narediti privremenu zabranu izvođenja radova;
- c) narediti zabranu izvođenja radova;
- d) narediti poduzimanje odgovarajućih upravnih radnji koje je privredni subjekt i drugo pravno lice, institucija koja ima javna ovlaštenja, odnosno organ uprave obavezan poduzeti;

- e) prisilno provesti izvršenje određene upravne mjere kada je privredno društvo - investitor, odnosno privredno društvo ili javna ustanova sami ne izvrše;
- f) podnijeti prijavu protiv privrednog društva - investitora, odnosno privrednog društva ili javne ustanove i odgovornog lica za učinjeni prekršaj;
- g) odrediti i druge mjere i obaviti radnje određene ovim zakonom i propisima;
- h) zabraniti obavljanje djelatnosti.

Član 51.**(Privremena zabrana izvođenja geoloških istražnih radova)**

Inspektor može privrednom društvu - investitoru rješenjem zabraniti izvođenje radova do otklanjanja nedostataka, ako prilikom inspeksijskog pregleda utvrdi da:

- a) privredno društvo ili javna ustanova koja izvođa geološka istraživanja nije osigurala potpunu ispravnost sredstava za rad, radnog prostora i radnog procesa kako je to određeno odobrenim projektom i tehničkom dokumentacijom prema odredbama ovog zakona;
- b) privredno društvo ili javna ustanova koja izvođa geološke istražne radove ne primjenjuje u cijelosti odredbe ovog zakona, tehničke propise, propise iz oblasti zaštite na radu i zaštite zdravlja radnika i druge propise i akte, odnosno ako se radovi ne izvođe u skladu sa odobrenom tehničkom dokumentacijom;
- c) pri korištenju sredstava rada, primjeni radnih postupaka, korištenju radnog prostora koji nije zaštićen prijeti opasnost od povreda, ugrožavanja zdravlja zaposlenika privrednog društva ili javne ustanove koja izvođa geološke istražne radove i ako se zaposlenici ne pridržavaju odgovarajućih uputa za rad;
- d) privredno društvo - investitor, odnosno privredno društvo ili javna ustanova nisu postupili u skladu sa usmeno izrečenim naređenjem inspektora i
- e) privredno društvo - investitor, odnosno privredno društvo ili javna ustanova onemogućava vršenje inspeksijskog pregleda.

Član 52.**(Zabrana izvođenja geoloških istražnih radova)**

Inspektor mora rješenjem zabraniti izvođenje istražnih radova, ako prilikom inspeksijskog pregleda utvrdi da:

- a) privredno društvo ili javna ustanova koja vrši istraživanje izvođa istražne radove bez odobrenja za istraživanje ili bez odobrenja za obavljanje registrirane djelatnosti ili se pri izvođenju istražnih radova ne primjenjuju odredbe ovog zakona, tehnički propisi, propisi iz oblasti zaštite na radu i zdravlja zaposlenika, što može ugroziti život i zdravlje za-

- poslenika, sigurnost saobraćaja i susjednih objekata, zaštita životne sredine i mogućnost nastanka veće materijalne štete, odnosno radovi se ne izvode u skladu sa odobrenom tehničkom dokumentacijom,
- b) su kod privrednog društva - investitora, odnosno privrednog društva ili javne ustanove zaposlena lica koja ne ispunjavaju uvjete o stručnoj osposobljenosti prema odredbama ovog zakona;
 - c) privredno društvo-investitor, odnosno privredno društvo ili javna ustanova ili njihovo odgovorno lice i pored usmenog naređenja inspektora ponovno krši odredbe tehničkih propisa, propisa iz oblasti zaštite na radu i zaštite zdravlja radnika i drugih propisa koji se odnose na rudarske radove, te općih akata ovog zakona;
 - d) privredno društvo-investitor, odnosno privredno društvo ili javna ustanova pri istraživanju koristi postrojenja i geološku opremu za koju nemaju upotrebnu dozvolu, što neposredno ugrožava sigurnost objekata i uređaja, živote i zdravlje ljudi, odvijanje saobraćaja, susjedne objekte i okoliš i predstavlja neposrednu opasnost za život i zdravlje zaposlenika i
 - e) privredno društvo - investitor, odnosno privredno društvo ili javna ustanova pri izvođenju radova zahvataju i područje van prostora određenog odobrenjem za istraživanje propisano u skladu sa ovim zakonom.

Član 53.

(Zabrana obavljanja djelatnosti)

- (1) Inspektor mora rješenjem zabraniti obavljanje djelatnosti privrednom društvu - investitoru, odnosno privrednom društvu ili javnoj ustanovi, ako prilikom inspekcijskog pregleda utvrdi:
 - a) da za obavljanje djelatnosti ne ispunjava uvjete propisane ovim i drugim zakonom;
 - b) da se pri obavljanju djelatnosti ne primjenjuju propisi i standardi i
 - c) ako izradu i reviziju tehničke dokumentacije obavljaju lica koja neispunjavaju uvjete prema ovom zakonu.
- (2) Trećim licima (pravnim i fizičkim) inspektor će utvrditi upravnu mjeru ukoliko obavljaju djelatnost suprotno odredbama ovog zakona.

Član 54.

(Usmeno određivanje upravne mjere)

- (1) U inspekcijskom pregledu inspektor će privrednom društvu - investitoru, odnosno privrednom društvu ili javnoj ustanovi usmeno odrediti upravnu mjeru i narediti da se odmah izvrši:
 - a) kad je to obavezan prema ovom zakonu i

- b) kad je u nastaloj situaciji neophodno, prema ocjeni inspektora, poduzeti radnje na otklanjanju neposredne opasnosti po život i zdravlje zaposlenika i građana ili nastanak veće materijalne štete.
- (2) Sadržaj usmene upravne mjere inspektor upisuje u knjigu rudarskog nadzora i u zapisnik o inspekcijskom nadzoru.

Član 55.

(Rok za donošenje rješenja)

- (1) Upravnu mjeru inspektor određuje rješenjem.
- (2) Rješenje o određenim upravnim mjerama inspektor je dužan donijeti u zakonskom roku, a rješenje u pisanom obliku o usmeno određenoj upravnoj mjeri u roku od tri dana od dana izricanja upravne mjere.

Član 56.

(Izvršenje rješenja)

- (1) Izvršenje rješenja prati inspektor i utvrđuje po službenoj dužnosti.
- (2) Izvršenje rješenja inspektor utvrđuje kontrolnim pregledom ili drugim pisanim dokazom.
- (3) Izvršenje rješenja inspektor može produžiti do 30 dana, osim rješenja kojim su upravne mjere usmeno utvrđene.

Član 57.

(Žalba na rješenje)

- (1) Žalba na rješenje inspektora o usmeno određenoj upravnoj mjeri nije dopuštena.
- (2) Žalba na rješenje inspektora o naloženim upravnim mjerama iz člana 50., 51., 52. i 53. može se izjaviti u roku od osam dana od dana prijema rješenja.
- (3) O žalbi iz stava (4) ovog člana rješava Ministarstvo.
- (4) Žalba na rješenje inspektora o naloženim upravnim mjerama ne odgađa izvršenje rješenja.
- (5) Protiv rješenja inspektora o usmeno određenoj upravnoj mjeri i rješenja Ministarstva donesenog po žalbi iz stava (4) ovog člana može se pokrenuti upravni spor.

Član 58.

(Rok za rješavanje žalbe)

Žalbu na rješenje inspektora o utvrđenoj upravnoj mjeri nadležni drugostepeni organ dužan je riješiti u roku od osam dana od dana prijema žalbe.

DIO DVANAESTI - KAZNE NE ODREDBE**Član 59.****(Prekršaji privrednog društva - investitora)**

- (1) Novčanom kaznom od 10.000 KM do 15.000 KM kaznit će se za prekršaj pravno lice u svojstvu investitora ako:
- a) vrši geološka istraživanja bez prethodno pribavljenog odobrenja za istraživanje od Ministarstva (član 19., član 26. i član 27.);
 - b) pri istražnim radovima izvadi veću količinu mineralne sirovine od odobrene i pod vidom istraživanja vrši eksploataciju mineralne sirovine (član 31. stav (1));
 - c) ne vrši geološka istraživanja u skladu sa odredbama navedenim u odobrenju za geološka istraživanja (član 22.);
 - d) ne vodi evidenciju o istraživanju mineralne sirovine (član 31. stav (2), (3), (4) i (5));
 - e) obavlja istraživanje van istražnog prostora (član 12.);
 - f) prije ulaska u odobreni istražni prostor ne pribavi saglasnost vlasnika zemljišta (član 21. stav (3) tačka h);
 - g) provodi geološka istraživanja na prostoru na kome geološka istraživanja nisu dozvoljena ili ako istraživanja od posebnog društvenog interesa vrši protivno uslovima i načinu iz odluke nadležnog organa (član 13. i član 10. stav (2));
 - h) u propisanom roku ne prijavi početak istražnih radova Ministarstvu (član 28.);
 - i) ne osigura izvođenje istražnih radova i izradu elaborata o klasifikaciji, kategorizaciji i proračunu rezervi mineralne sirovine u skladu sa programom, odnosno projektom istraživanja i pravilnikom o klasifikaciji, kategorizaciji i proračunu rezervi mineralne sirovine (član 29.);
 - j) u propisanim rokovima ne podnosi periodične izvještaje o izvršenim istražnim radovima i rezultatima istraživanja mineralne sirovine i o planiranim dugoročnim istraživanjima u druge namjene u rokovima utvrđenim u odobrenju za istraživanje (član 35.);
 - k) se bavi eksploatacijom i ne vrši redovna geološka istraživanja, ne izrađuje geološke planove i detaljne geološke karte, ne vodi knjigu evidencije i ne dostavlja godišnji izvještaj Ministarstvu (član 9. i član 32.);
 - l) nakon završetka ili trajnog obustavljanja istražnih radova ne provodi mjere osiguranja ljudi i imovine, ako ne dovede zemljište u stanje prije izvođenja istražnih radova ili ne osposobi za korištenje u druge namjene u skladu sa odobrenjem

- za izvođenje geoloških istraživanja (član 41.);
 - m) nakon završetka ili trajnog obustavljanja istražnih radova, ne obavijesti nadležni organ o provedenim mjerama sigurnosti i saniranja istražnog prostora (član 42.);
 - n) eksploatisane količine mineralne sirovine ne nadomiri novoistraženim rezervama odgovarajuće kategorije i klase ili ne sačini elaborat o rezervama mineralne sirovine u propisanim rokovima (član 40.);
 - o) Ministarstvu u propisanom roku ne dostavi na reviziju i ovjeru elaborat o klasifikaciji, kategorizaciji i proračunu rezervi mineralne sirovine na istražnom prostoru, odnosno eksploatacijskom polju (član 37. stav (1) i član 38. stav (1));
 - p) Federalnom zavodu za geologiju ne dostavi podatke o izvršenim geološkim istraživanjima (član 36.);
- (2) Za prekršaj iz stava (1) ovog člana kaznit će se i odgovorno lice u pravnom licu novčanom kaznom u iznosu od 2.000 KM do 3.000 KM.
- (3) Za prekršaje iz stava (1) tačka a) do c) ovog člana uz novčanu kaznu izreći će se i :
- a) zaštitna mjera oduzimanja predmeta koji su upotrijebljeni ili su bili namijenjeni za izvršenje prekršaja, ili su nastali izvršenjem prekršaja ili kad postoji opasnost da će se takvi predmeti ponovno upotrijebiti za počinjenje prekršaja bez obzira na to da li su u vlasništvu počinioca;
 - b) mjera oduzimanja imovinske koristi pribavljene izvršenjem prekršaja.
- (4) Imovinskom koristi iz stava (3) tačka b) ovog člana smatra se tržišna vrijednost mineralne sirovine dobivene nelegalnom eksploatacijom.
- (5) Za prekršaje iz ovog člana mogu se izreći zabrane odgovornom licu da obavlja određene dužnosti u trajanju od jednog do šest mjeseci.

Član 60.**(Prekršaji privrednog društva ili javne ustanove koja je registrovana za obavljanje djelatnosti iz oblasti geoloških istraživanja)**

- (1) Novčanom kaznom od 5.000 KM do 15.000 KM kaznit će se za prekršaj pravno lice:
- a) ako vrši izradu i reviziju geološke dokumentacije i izvođenje istražnih geoloških radova a nema odobrenja za obavljanje djelatnosti i odobrenja za upotrebu opreme za istraživanje (član 18. i 19.);
 - b) ako je poslove izrade projektne, tehničke i druge dokumentacije za geološka istraživanja povjerilo licima koja ne ispunjavaju propisane uslove (član 17.);

- c) ako izradu geološke dokumentacije ne vrši u skladu sa ovim Zakonom (član 15. i član 16.);
 - d) ako detaljna geološka istraživanja tla za građenje stambenih i drugih građevinskih objekata za čiju su izgradnju propisana obavezna geološka istraživanja obavlja bez odobrenja Ministarstva (član 16. stav (3));
 - e) ako geološka dokumentacija ili dio geološke dokumentacije za koji je proveo kontrolu i dao pozitivan izvještaj ne zadovoljava zahtjeve iz ovoga Zakona (član 18. stav (3));
 - f) ako ne izvodi geološka istraživanja u skladu sa ovim Zakonom (član 30.);
 - g) ako ne pribavi odobrenje za istraživanje novootkrivene mineralne sirovine u odobrenom eksploatacijskom polju (član 33.);
 - h) ako ne postupi po rješenju geološkog inspektora (član 50.);
 - i) ako ne omogući inspektoru vršenje inspeksijskog nadzora (član 47.).
- (2) Za prekršaj iz stava (1) ovog člana kaznit će se i odgovorno lice u pravnom licu novčanom kaznom u iznosu od 1.000 KM do 3.000 KM.

Član 61. (Prekršaji revidenta)

- (1) Novčanom kaznom od 1.000 KM do 3.000 KM kaznit će se za prekršaj revident ako:
- a) obavlja reviziju geološke dokumentacije a ne ispunjava uslove u skladu sa ovim Zakonom (član 17. stav (3));
 - b) obavi reviziju geološke dokumentacije u čijoj je izradi učestvovao ili ako je geološku dokumentaciju izradilo ili nostrificiralo privredno društvo ili javna ustanova kod koje je zaposlen (član 18. stav (2));
 - c) geološka dokumentacija ili dio geološke dokumentacije za koji je proveo kontrolu i dao pozitivan izvještaj ne zadovoljava zahtjeve iz ovoga Zakona (član 18. stav (3)).
- (2) Uz kaznu za prekršaj iz stava (1) ovog člana licu koje obavlja kontrolu geološke dokumentacije, odnosno revidentu može se izreći zaštitna mjera oduzimanja prava za izradu odnosno kontrolu geološke dokumentacije u trajanju od tri do šest mjeseci, a za prekršaj počinjen drugi put uz novčanu kaznu izreći će se navedena mjera u trajanju od šest mjeseci do jedne godine.
- (3) Revident, u slučaju iz stava (1) ovog člana, dužan je investitoru nadoknaditi štetu u skladu s posebnim zakonom.

DIO TRINAESTI - PRIJELAZNE I ZAVRŠNE ODREDBE

Član 62. (Postupci započeti prije stupanja na snagu ovog zakona)

Upravni postupci započeti prije stupanja na snagu ovog zakona okončat će se prema propisima koji su bili na snazi na dan podnošenja zahtjeva.

Član 63. (Propisi Ministra)

Podzakonski akti predviđeni za provođenje ovog zakona iz člana 10., 11., 14., 18. i 38. donijet će se u roku od dvije godine od dana stupanja na snagu ovog zakona.

Član 64. (Usaglašavanje registracije privrednih društava i javnih ustanova)

Privredna društva ili javne ustanove registrirane za geološka istraživanja, projektovanja, izvođenje istraživanja i revizije projektne dokumentacije dužne su usaglasiti registraciju sa odredbama ovog zakona u roku od 12 mjeseci od dana stupanja na snagu ovog zakona.

Član 65. (Primjena postojećih propisa)

Do donošenja novih propisa primjenjivat će se propisi koji su se primjenjivali do dana stupanja na snagu ovog zakona, ako nisu u suprotnosti sa odredbama ovog zakona i to:

- a) Zakon o jedinstvenom načinu utvrđivanja, evidentiranja i prikupljanja podataka o rezervama mineralnih sirovina, podzemnih voda i o bilansu tih rezervi ("Službeni list RBiH", br. 8/93 i 13/94);
- b) Pravilnik o klasifikaciji i kategorizaciji rezervi pojedinih mineralnih sirovina i vođenju evidencije o njima ("Službeni list SFRJ", broj 53/79);
- c) Pravilnik o načinu i programu polaganja stručnog ispita radnika geološke struke ("Službeni list RBiH", broj 16/93 i 13/94);
- d) Pravilnik o sadržini programa, projekata i elaborata geoloških istraživanja ("Službeni list RBiH", broj 16/93 i 13/94);
- e) Pravilnik o vođenju zbirke isprava i katastra istraženih prostora i eksploatacijskih polja ("Službeni list RBiH", broj 16/93 i 13/94).
- f) Pravilnik o sadržaju rudarsko-geoloških projekata i elaborata i načinu odobravanja, („Službene novine Zeničko-dobojskog kantona“, broj: 9/02),
- g) Pravilnik o potrebnoj stručnoj spremi zaposlenika

koji vrše poslove tehničkog rukovođenja i miniranja na poslovima istraživanja i eksploatacije mineralnih resursa, („Službene novine Zeničko-dobojskog kantona“, broj: 7/01 i 4/08 i 4/10),

- h) Pravilnik o uvjetima koje moraju ispunjavati pravna, odnosno fizička lica da bi se bavili projektovanjem i revizijom geološko-rudarske dokumentacije i izvođenjem radova istraživanja i eksploatacije mineralnih resursa („Službene novine Zeničko-dobojskog kantona“, broj: 9/02 i 5/08),
- i) Pravilnik o načinu polaganja stručnih ispita zaposlenika koji vrše poslove tehničkog rukovođenja i miniranja na poslovima istraživanja i eksploatacije mineralnih resursa, („Službene novine Zeničko-dobojskog kantona“, broj: 7/01 i 5/08).

Član 66.

(Prestanak važenja Zakona)

Danom stupanja na snagu ovog zakona prestaje primjena Zakona o istraživanju i eksploataciji mineralnih resursa („Službene novine Zeničko-dobojskog kantona“, broj: 13/00 i 3/08).

Član 67.

(Stupanje Zakona na snagu)

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-12191/12

PREDSJEDAVAJUĆI

Datum: 30.05.2012.

Zenica

Miralem Galijašević, s.r.

180.

Na osnovu člana 37. stav 1. tačka f) Ustava Zeničko-dobojskog kantona, a u vezi sa članom 25. Zakona o visokom obrazovanju („Službene novine Zeničko-dobojskog kantona“, broj: 6/09), Skupština Zeničko-dobojskog kantona, na 21. sjednici, održanoj 15.05.2012. godine, donosi

ODLUKU

o usvajanju Elaborata o opravdanosti promjene naziva, proširenja matičnosti i proširenja djelatnosti Pedagoškog fakulteta Univerziteta u Zenici

Član 1.

Usvaja se Elaborat o opravdanosti promjene naziva, proširenja matičnosti i proširenja djelatnosti Pedagoškog fakulteta Univerziteta u Zenici.

Član 2.

Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 01-38-11038/12

PREDSJEDAVAJUĆI

Datum, 15.05.2012. godine

Zenica

Miralem Galijašević, s.r.

181.

Na osnovu člana 37. stav 1. tačka f) Ustava Zeničko-dobojskog kantona, a u vezi sa članom 25. Zakona o visokom obrazovanju („Službene novine Zeničko-dobojskog kantona“, broj: 6/09), Skupština Zeničko-dobojskog kantona, na 21. sjednici, održanoj 15.05.2012. godine, donosi

ODLUKU

o promjeni naziva, proširenju matičnosti i proširenju djelatnosti Pedagoškog fakulteta Univerziteta u Zenici

Član 1.

Mijenja se naziv Pedagoškog fakulteta Univerziteta u Zenici u Filozofski fakultet Univerziteta u Zenici, proširuje se matičnost Fakulteta i proširuje se djelatnost Fakulteta organizovanjem studijskog programa Kulturalni studiji.

Član 2.

Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 01-38-11039/12

PREDSJEDAVAJUĆI

Datum, 15.05.2012. godine

Zenica

Miralem Galijašević, s.r.

VLADA

182.

Na osnovu člana 16. stav 1. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva finansija, Vlada Zeničko-dobojskog kantona, na nastavku 63. sjednice, održanom 10.05.2012. godine, donosi

UREDBU

o dopuni Uredbe o naknadama troškova za službena putovanja

Član 1.

U Uredbi o naknadama troškova za službena putovanja

(„Službene novine Zeničko-dobojskog kantona“, broj: 3/05), u članu 5. iza stava 2. dodaje se novi stav 3. koji glasi:

„Izuzetno, od stava 2. ovog člana, dnevnicu za službeno putovanje u zemlji od 01.01.2012. godine iznosi 25,00 KM.“

Član 2.

Ova uredba stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se od 01.01.2012. godine.

Broj: 02-02-10996 /12.

PREMIJER

Datum, 10.05.2012. godine

Zenica

mr.sci.Fikret Plevljak dipl.ing., s.r.

183.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10) i člana 50. stav (4) Zakona o izvršavanju Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj: 5/12), na prijedlog Ministarstva finansija, Vlada Zeničko-dobojskog kantona, na nastavku 63. sjednice, održanom 10.05.2012. godine, d o n o s i

O D L U K U

o određivanju potpisnika naloga platnih transakcija sa transakcijskog računa otvorenog kod Union banke D.D. Sarajevo za period IV-XII mjesec 2012. godine

Član 1. (Potpisnici)

Za potpisnike naloga platnih transakcija sa transakcijskog računa otvorenog kod Union banke D.D. Sarajevo, za period IV-XII mjesec 2012. godine, od strane Vlada Zeničko-dobojskog kantona određuju se:

1. Amra Babić, ministrica Ministarstva finansija i
2. Fikreta Plevljak, premijer Zeničko-dobojskog kantona.

Član 2. (Zamjenici potpisnika)

Za zamjenike potpisnika naloga platnih transakcija sa transakcijskog računa iz člana 1. ove odluke, određuju se:

1. Raif Seferović, ministar Ministarstva za prostorno uređenje, promet i komunikacije i zaštitu okoline i
2. Jusuf Duraković, ministar Ministarstva za privredu.

Član 3.

(Stupanje na snagu)

Ova odluka stupa na snagu danom donošenja, primjenjuje se od 01.04.2012. godine i objavit će se u „Službenim novinama Zeničko-dobojskog kantona“.

Broj: 02-34-10987/12.

PREMIJER

Datum, 10.05.2012. godine

Zenica

mr.sci.Fikret Plevljak dipl.ing., s.r.

184.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10) i člana 50. stav (4) Zakona o izvršavanju Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj: 5/12), na prijedlog Ministarstva finansija, Vlada Zeničko-dobojskog kantona, na nastavku 63. sjednice, održanom 10.05.2012. godine, d o n o s i

O D L U K U

o određivanju potpisnika naloga platnih transakcija sa depozitnog i transakcijskog računa otvorenog kod IKB DD Zenica za period IV-XII mjesec 2012. godine

Član 1. (Potpisnici)

Za potpisnike naloga platnih transakcija sa depozitnog i transakcijskog računa otvorenog kod IKB DD Zenica, za period IV-XII mjesec 2012. godine, od strane Vlada Zeničko-dobojskog kantona određuju se:

1. Amra Babić, ministrica Ministarstva finansija i
2. Fikret Plevljak, premijer Zeničko-dobojskog kantona.

Član 2. (Zamjenici potpisnika)

Za zamjenike potpisnika naloga platnih transakcija sa depozitnog i transakcijskog računa iz člana 1. ove odluke, određuju se:

1. Raif Seferović, ministar Ministarstva za prostorno uređenje, promet i komunikacije i zaštitu okoline i
2. Jusuf Duraković, ministar Ministarstva za privredu.

Član 3. (Potpisnici naloga platnih transakcija za utrošak namjenskih sredstava)

Potpisnici naloga platnih transakcija iz namjenskih

sredstva, pored potpisnika iz člana 1. su i ministri nadležnih ministarstava za oblast na koju se odnose namjenska sredstva, i to:

1. Jusuf Duraković, ministar Ministarstva za privredu za pripadajuća sredstva od koncesija,
2. Raif Seferović, ministar Ministarstva za prostorno uređenje, promet i komunikacije i zaštitu okoline, za sredstva za zaštitu okoline,
3. Samir Selimović, ministar Ministarstva za poljoprivredu, šumarstvo i vodoprivredu za sredstva posebnih vodnih naknada, naknada za korištenje poljoprivrednog zemljišta u nepoljoprivredne svrhe, naknada za korištenje šuma i pripadajuća sredstva od koncesija,
4. Rifat Delić, ministar Ministarstva unutrašnjih poslova za sredstva od izdatih ličnih dokumenata i
5. Suad Omerašević, ministar Ministarstva za boračka pitanja za sredstva fonda za izgradnju stanova.

Član 4.

(Stupanje na snagu)

Ova odluka stupa na snagu danom donošenja, primjenjuje se od 01.04.2012. godine i objavit će se u „Službenim novinama Zeničko-dobojskog kantona“.

Broj: 02-34-10988 /12.

PREMIJER

Datum, 10.05.2012. godine

Zenica

mr.sci.Fikret Plevljak dipl.ing., s.r.

185.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10) i člana 50. stav (4) Zakona o izvršavanju Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj: 5/12), na prijedlog Ministarstva finansija, Vlada Zeničko-dobojskog kantona, na nastavku 63. sjednice, održanom 10.05.2012. godine, d o n o s i

O D L U K U

o određivanju potpisnika naloga platnih transakcija sa posebnog transakcijskog računa-sredstva ostvarena po osnovu posebne naknade za zaštitu od prirodnih i drugih nesreća za period IV-XII 2012. godine

Član 1.

(Potpisnici)

Vlada Zeničko-dobojskog kantona za potpisnike naloga platnih transakcija sa posebnog transakcijskog računa-

sredstva ostvarena po osnovu posebne naknade za zaštitu od prirodnih i drugih nesreća otvorenog kod IKB DD Zenica, za period IV-XII 2012. godine, određuje:

1. Seada Džanovića, direktora Kantonalne uprave civilne zaštite,
2. Amru Babić, ministricu Ministarstva finansija i
3. Fikreta Plevljaka, premijera Zeničko-dobojskog kantona.

Član 2.

(Zamjenici potpisnika)

Za zamjenike potpisnika naloga platnih transakcija sa transakcijskog računa iz člana 1. ove odluke, određuju se:

1. Raif Seferović, ministar Ministarstva za prostorno uređenje, promet i komunikacije i zaštitu okoline i
2. Jusuf Duraković, ministar Ministarstva za privredu.

Član 3.

(Stupanje na snagu)

Ova odluka stupa na snagu danom donošenja, primjenjuje se od 01.04.2012. godine i objavit će se u „Službenim novinama Zeničko-dobojskog kantona“.

Broj: 02-34-10989/12.

PREMIJER

Datum, 10.05.2012. godine

Zenica

mr.sci.Fikret Plevljak dipl.ing., s.r.

186.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10) i člana 50. stav (4) Zakona o izvršavanju Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj: 5/12), na prijedlog Ministarstva finansija, Vlada Zeničko-dobojskog kantona, na nastavku 63. sjednice, održanom 10.05.2012. godine, d o n o s i

O D L U K U

o određivanju potpisnika naloga platnih transakcija putem deviznog računa otvorenog kod IKB DD Zenica za period IV-XII mjesec 2012. godine

Član 1.

(Potpisnici)

Za potpisnike naloga platnih transakcija putem deviznog računa otvorenog kod IKB DD Zenica, za period IV-XII mjesec 2012. godine, od strane Vlade Zeničko-dobojskog kantona određuju se:

1. Amra Babić, ministrica Ministarstva finansija i
2. Fikret Plevljak, premijer Zeničko-dobojskog kantona.

Član 2. (Zamjenici potpisnika)

Za zamjenike potpisnika naloga platnih transakcija putem deviznog računa iz člana 1. ove odluke, određuju se:

1. Raif Seferović, ministar Ministarstva za prostorno uređenje, promet i komunikacije i zaštitu okoline i
2. Jusuf Duraković, ministar Ministarstva za privredu.

Član 3. (Stupanje na snagu)

Ova odluka stupa na snagu danom donošenja, primjenjuje se od 01.04.2012. godine i objavit će se u „Službenim novinama Zeničko-dobojskog kantona“.

Broj: 02-34-10990/12.

PREMIJER

Datum, 10.05.2012. godine

Zenica **mr.sci.Fikret Plevljak dipl.ing., s.r.**

187.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10) i člana 50. stav (4) Zakona o izvršavanju Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj: 5/12), na prijedlog Ministarstva finansija, Vlada Zeničko-dobojskog kantona, na nastavku 63. sjednice, održanom 10.05.2012. godine, d o n o s i

O D L U K U o određivanju potpisnika naloga platnih transakcija sa „posebnog ESCROW transakcijskog računa“ za period IV-XII 2012. godine

Član 1. (Potpisnici)

Vlada Zeničko-dobojskog kantona za potpisnike naloga platnih transakcija sa «posebnog ESCROW transakcijskog računa» otvorenog kod IKB DD Zenica, za period IV-XII 2012. godine, određuje:

1. Amru Babić, ministricu Ministarstva finansija, i
2. Fikreta Plevljaka, premijera Zeničko-dobojskog kantona.

Član 2. (Zamjenici potpisnika)

Za zamjenike potpisnika naloga platnih transakcija sa transakcijskog računa iz člana 1. ove odluke, određuju se:

1. Raif Seferović, ministar Ministarstva za prostorno uređenje, promet i komunikacije i zaštitu okoline i
2. Jusuf Duraković, ministar Ministarstva za privredu.

Član 3. (Stupanje na snagu)

Ova odluka stupa na snagu danom donošenja, primjenjuje se od 01.04.2012. godine i objavit će se u „Službenim novinama Zeničko-dobojskog kantona“.

Broj: 02-34-10991/12.

PREMIJER

Datum, 10.05.2012. godine

Zenica **mr.sci.Fikret Plevljak dipl.ing., s.r.**

188.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10) i člana 50. stav (4) Zakona o izvršavanju Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj: 5/12), na prijedlog Ministarstva finansija, Vlada Zeničko-dobojskog kantona, na nastavku 63. sjednice, održanom 10.05.2012. godine, d o n o s i

O D L U K U o određivanju potpisnika naloga platnih transakcija putem podračuna u okviru JRT za primljene tekuće transfere i donacije, za JU Škola za odgoj, obrazovanje i rehabilitaciju osoba sa poteškoćama u psihofizičkom razvoju Zenica, za period IV-XII 2012. godine

Član 1. (Potpisnici)

Vlada Zeničko-dobojskog kantona za potpisnike naloga platnih transakcija putem podračuna u okviru JRT za primljene tekuće transfere i donacije, za JU Škola za odgoj, obrazovanje i rehabilitaciju osoba sa poteškoćama u psihofizičkom razvoju Zenica, otvorenog kod IKB DD Zenica, za period IV-XII 2012. godine, određuje:

1. Amru Babić, ministricu Ministarstva finansija,
2. Fikreta Plevljaka, premijera Zeničko-dobojskog kantona, i

3. Mirka Trifunovića, ministra Ministarstva za rad, socijalnu politiku i izbjeglice.

**Član 2.
(Stupanje na snagu)**

Ova odluka stupa na snagu danom donošenja, primjenjuje se od 01.04.2012. godine i objavit će se u „Službenim novinama Zeničko-dobojskog kantona“.

Broj: 02-34-10992/12. **PREMIJER**
Datum, 10.05.2012. godine
Zenica **mr.sci.Fikret Plevljak dipl.ing., s.r.**
.....

189.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10) i člana 50. stav (4) Zakona o izvršavanju Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj: 5/12), na prijedlog Ministarstva finansija, Vlada Zeničko-dobojskog kantona, na nastavku 63. sjednice, održanom 10.05.2012. godine, d o n o s i

**O D L U K U
o određivanju potpisnika naloga
platnih transakcija sa podračuna za
Centralizovani obračun i isplatu plaća za
period IV-XII 2012. godine**

**Član 1.
(Potpisnici)**

Vlada Zeničko-dobojskog kantona za potpisnike naloga platnih transakcija sa podračuna za Centralizovani obračun i isplatu plaća otvorenog kod IKB DD Zenica, za period IV-XII 2012. godine, određuje:

1. Amru Babić, ministricu Ministarstva finansija, i
2. Fikreta Plevljaka, premijera Zeničko-dobojskog kantona.

**Član 2.
(Zamjenici potpisnika)**

Za zamjenike potpisnika naloga platnih transakcija putem podračuna iz člana 1. ove odluke, određuju se:

1. Raif Seferović, ministar Ministarstva za prostorno uređenje, promet i komunikacije i zaštitu okoline i
2. Jusuf Duraković, ministar Ministarstva za privredu.

**Član 3.
(Stupanje na snagu)**

Ova odluka stupa na snagu danom donošenja, primje-

njuje se od 01.04.2012. godine i objavit će se u „Službenim novinama Zeničko-dobojskog kantona“.

Broj: 02-34-10993/12. **PREMIJER**
Datum, 10.05.2012. godine
Zenica **mr.sci.Fikret Plevljak dipl.ing., s.r.**
.....

190.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10) i člana 50. stav (4) Zakona o izvršavanju Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj: 5/12), na prijedlog Ministarstva finansija, Vlada Zeničko-dobojskog kantona, na nastavku 63. sjednice, održanom 10.05.2012. godine, d o n o s i

**O D L U K U
o određivanju potpisnika naloga platnih
transakcija sa računa blagajničko
poslovanje budžetskih korisnika
otvorenog kod IKB DD Zenica za period
IV-XII 2012. godine**

**Član 1.
(Potpisnici)**

Vlada Zeničko-dobojskog kantona za potpisnike naloga platnih transakcija sa računa blagajničko poslovanje budžetskih korisnika otvorenog kod IKB DD Zenica, za period IV-XII 2012. godine, određuje:

1. Amru Babić, ministricu Ministarstva finansija,
2. Fikreta Plevljaka, premijera Zeničko-dobojskog kantona i
3. Nadu Delibašić, pomoćnicu ministricu Ministarstva finansija.

**Član 2.
(Stupanje na snagu)**

Ova odluka stupa na snagu danom donošenja, primjenjuje se od 01.04.2012. godine i objavit će se u „Službenim novinama Zeničko-dobojskog kantona“.

Broj: 02-34-10994/12. **PREMIJER**
Datum, 10.05.2012. godine
Zenica **mr.sci.Fikret Plevljak dipl.ing., s.r.**
.....

191.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10) i člana 50. stav (4) Zakona o izvršavanju Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj: 5/12), na prijedlog Ministarstva finansija, Vlada Zeničko-dobojskog kantona, na nastavku 63. sjednice, održanom 10.05.2012. godine, d o n o s i

O D L U K U

o određivanju potpisnika naloga platnih transakcija sa transakcijskog računa otvorenog kod Sparkasse dd Sarajevo za period IV-XII mjesec 2012. godine

**Član 1.
(Potpisnici)**

Za potpisnike naloga platnih transakcija sa transakcijskog računa otvorenog kod Sparkasse dd Sarajevo, za period IV-XII mjesec 2012. godine, od strane Vlada Zeničko-dobojskog kantona određuju se:

1. Amra Babić, ministrica Ministarstva finansija, i
2. Fikret Plevljak, premijer Zeničko-dobojskog kantona.

**Član 2.
(Zamjenici potpisnika)**

Za zamjenike potpisnika naloga platnih transakcija sa transakcijskog računa iz člana 1. ove odluke, određuju se:

1. Raif Seferović, ministar Ministarstva za prostorno uređenje, promet i komunikacije i zaštitu okoline i
2. Jusuf Duraković, ministar Ministarstva za privredu.

**Član 3.
(Stupanje na snagu)**

Ova odluka stupa na snagu danom donošenja, primjenjuje se od 01.04.2012. godine i objavit će se u „Službenim novinama Zeničko-dobojskog kantona“.

Broj: 02-34-10995/12.

PREMIJER

Datum, 10.05.2012. godine

Zenica

mr.sci.Fikret Plevljak dipl.ing., s.r.

.....

192.

Na osnovu člana 16. stav 2. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“, broj: 7/10) i člana 3. Odluke o procedurama, uslovima, kriterijima i prioritetima za dodjelu jednokratne novčane pomoći općinama za otklanjanje šteta nastalih od prirodnih i drugih nesreća (Službene novine Zeničko-dobojskog kantona“, br.7/11), na prijedlog Kantonalne komisije za procjenu šteta, Vlada Zeničko-dobojskog kantona, na nastavku 63. sjednice, održanom 23.05.2012. godine, d o n o s i

O D L U K U

o dodjeli jednokratne pomoći općinama za otklanjanje posljedica prirodne nesreće uzrokovane velikim snježnim padavinama i niskim temperaturama

I.

Dodjeljuju se sredstva u iznosu od 290.000,00 KM (slovima: dvijestotinedevadesethiljada konvertibilnih maraka) na ime jednokratne novčane pomoći općinama za otklanjanje posljedica prirodne nesreće uzrokovane velikim snježnim padavinama i niskim temperaturama, koja je zadesila u vremenu od 04.02. do 22.02.2012.godine jedan broj općina na području Zeničko-dobojskog kantona.

II.

Odobrena sredstva iz tačke I. ove odluke dodjeljuju se općinama koje su blagovremeno podnijele zahtijev, u iznosu jednokratne pomoći i za namjene za koje se može koristiti, kako slijedi:

r/b	Općina	Iznos u KM	Namjena korištenja za:
1.	Breza	10.000,00	Saniranje šteta pravnim i fizičkim licima upisanim u registar gazdinstava/klijenata kod nadležne općinske službe za oblast poljoprivrede
2.	Kakanj	50.000,00	Sanacija objekta Doma kulture Kakanj
3.	Olovo	40.000,00	Troškove goriva i angažovane mehanizacije, štete na infras.objektima i vozilu cz i saniranje šteta pravnim i fizičkim licima upisanim u registar gazdinstava/klijenata kod nadležne općinske službe za oblast poljoprivrede

4.	Vareš	60.000,00	Troškove angažovane mehanizacije na uklanjanju snijega na putevima i objektima javnih ustanova
5.	Visoko	40.000,00	Saniranje šteta pravnim i fizičkim licima upisanim u registar gazdinstava/klijenata kod nadležne općinske službe za oblast poljoprivrede
6.	Zenica	90.000,00	Saniranju šteta na Kantonalnoj bolnici i drugim objektima javnih ustanova
UKUPNO:		290.000,00	

III.

Sredstva će se isplatiti iz Budžeta Zeničko-dobojskog kantona za 2012. godinu, razdjel 14. budžetska organizacija 01, potrošačka jedinica 001, ekonomski kod 614 200 - transfer za posebne namjene-elementarne nepogode, namjenska sredstva Budžeta, predviđena Planom korištenja sredstava posebne naknade za zaštitu i spašavanje za 2012. godinu u Zeničko-dobojskom kantonu.

IV.

Sredstva iz tačke II. ove odluke će se uplatiti na poseban namjenski račun u općinama na kojem se vode sredstva po osnovu člana 180. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10).

V.

Općine su dužne u roku od tri mjeseca dostaviti izvještaj o utrošku odobrenih sredstava Vladi Zeničko-dobojskog kantona, putem Kantonalne uprave civilne zaštite.

VI.

Za realizaciju ove odluke zadužuju se Kantonalna uprava civilne zaštite i Ministarstvo finansija, svako u okviru svoje nadležnosti.

VII.

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-11679/12.

PREMIJER

Datum, 23.05.2012. godine

Zenica

mr.sci.Fikret Plevljak dipl.ing., s.r.**193.**

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst («Službene novine Zeničko-dobojskog kantona», broj 7/10), a u skladu sa Budžetom Zeničko-dobojskog kantona za 2012. godinu («Službene novine Zeničko-dobojskog kantona», broj 05/12), na prijedlog Ministarstva za privredu, Vlada Zeničko-dobojskog kantona, na 64. sjednici, održanoj 24.05.2012. godine, d o n o s i

ODLUKU

**o odobravanju finansijskih sredstava
Agenciji za privatizaciju Zeničko-
dobojskog kantona**

**Član 1.
(Predmet)**

Odobravaju se finansijska sredstva Agenciji za privatizaciju Zeničko-dobojskog kantona u iznosu od 50.000,00 KM (slovima: pedesethiljada konvertibilnih maraka), na ime troškova potrebnih za finansiranje redovnih obaveza i aktivnosti.

**Član 2.
(Ekonomski kod)**

Odobrena sredstva iz člana 1. ove odluke isplatiti će se iz Budžeta Zeničko-dobojskog kantona za 2012. godinu, (isplata za period april-juni 2012. godine), razdjel 18, budžetska organizacija 01, potrošačka jedinica 0001, ekonomski kod 614100, pozicija «Transfer za Agenciju za privatizaciju».

**Član 3.
(Provođenje odluke)**

Za realizaciju ove odluke zadužuju se Ministarstvo za privredu i Ministarstvo finansija, svako u okviru svoje nadležnosti.

**Član 4.
(Stupanje na snagu)**

Odluka stupa na snagu danom donošenja i objavit će se u «Službenim novinama Zeničko-dobojskog kantona».

Broj: 02- 14-11966/12.

PREMIJER

Datum, 24.05.2012. godine

Zenica

mr.sci.Fikret Plevljak dipl.ing., s.r.

.....

194.

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 64. sjednici održanoj dana 24.05.2012. godine, d o n o s i

ODLUKU**o načinu i kriterijima privremene
dodjele lovišta na korištenje****I.**

Ovom odlukom utvrđuju se uslovi i vrijeme privremene dodjele lovišta na korištenje lovačkim društvima-udruženjima građana sa područja Zeničko-dobojskog kantona, do stvaranja uslova za dodjelu lovišta na korištenje u skladu sa Zakonom o lovstvu.

II.

Uslovi i vrijeme privremene dodjele lovišta na korištenje lovačkim društvima-udruženjima građana sa područja Zeničko-dobojskog kantona, utvrđuju se u skladu sa godišnjim planom gazdovanja lovištem za lovnu 2012./2013. godinu.

III.

Prava na korištenje i upravljanje lovištem imaju lovačka društva-udruženja građana sa područja općine u kojoj je ustanovljeno lovište, izuzev spornog dijela površine lovišta između općina Usora i Tešanj, zbog kojeg je pokrenut postupak zaštite vitalnog nacionalnog interesa.

Pravo na korištenje i upravljanje privrednim lovištem "KAMENICA" sa područja općine u kojoj je ustanovljeno ima J.P. Šumsko-privredno društvo Zeničko-dobojskog kantona d.o.o. Zavidovići.

IV.

Ovlašćuje se Ministarstvo za poljoprivredu, šumarstvo i vodoprivredu Zeničko-dobojskog kantona da gazdovanje i upravljanje lovištem dodijeli na jednu godinu, tj. lovnu sezonu 2012./2013. godinu, zaključivanjem Ugovora o ustupanju lovišta na korištenje.

V.

O realizaciji ove odluke starat će se Ministarstvo za poljoprivredu, šumarstvo i vodoprivredu Zeničko-dobojskog kantona.

VI.

Ova odluka stupa na snagu danom objavljivanja u „Službenim novinama Zeničko-dobojskog kantona“.

Broj: 02-26-11972/12.

PREMIJER

Datum, 24.05.2012. godine

Zenica

mr.sci.Fikret Plevljak dipl.ing., s.r.

195.

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), a u vezi sa članom 52. Zakona o izvršavanju budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj 5/12), Vlada Zeničko-dobojskog kantona, na prijedlog Ministarstva za obrazovanje, nauku, kulturu i sport, na 64. sjednici, održanoj 24.05.2012. godine, d o n o s i

ODLUKU**o uvećanju sredstava u Budžetu Zeničko-
dobojskog kantona za 2012. godinu****Član 1.****(Predmet)**

(1) Odobrava se uvećanje sredstava u Budžetu Zeničko-dobojskog kantona za 2012. godinu («Službene novine Zeničko-dobojskog kantona», broj 5/12) za Ministarstvo za obrazovanje, nauku, kulturu i sport.

(2) Uvećanje sredstava u Budžetu Zeničko-dobojskog kantona za 2012. godinu, vrši se na slijedeći način:

- a) na razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport – sredstva na poziciji 613900 – Ugovorene i druge posebne usluge - Plan izdaci iz donacija 2012. godina, uvećavaju se za 17.800,00 KM,
- b) na razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport – sredstva na poziciji 821300 – Nabavka opreme - Plan izdaci iz donacija 2012. godina, uvećavaju se za 12.200,00 KM,
- c) u Budžetu Zeničko-dobojskog kantona za 2012. godinu u dijelu A. PRIHODI u koloni Plan 2012. godina, sredstva na poziciji 722751 – Primljene namjenske donacije neplanirane u budžetu, uvećavaju se za 30.000,00 KM.

Član 2.**(Namjena korištenja sredstava i
izvještavanje)**

(1) Uplaćena donatorska sredstva od strane Humanitarne organizacije „Save the Children Norway“ Ministarstvo će

namjenski utrošiti za realizaciju projekata „Obrazovanje za socijalnu koheziju i BiH na putu ka EU“.

(2) Ministarstvo je dužno sačiniti izvještaj o utrošenim sredstvima i isti dostaviti Ministarstvu finansija najkasnije 7 (sedam) dana nakon realizacije projekta.

Član 3. (Realizacija odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija u okviru svojih nadležnosti.

Član 4. (Stupanje na snagu)

Ova odluka stupa na snagu narednog dana od dana objavljivanja u «Službenim novinama Zeničko-dobojskog kantona».

Broj: 02-14-12204/12.

PREMIJER

Datum, 24.05.2012. godine

Zenica

mr.sci.Fikret Plevljak dipl.ing., s.r.

.....

196.

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), a u vezi sa članom 52. Zakona o izvršavanju budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj 5/12), Vlada Zeničko-dobojskog kantona, na prijedlog Ministarstva za obrazovanje, nauku, kulturu i sport, na 64. sjednici, održanoj 24.05.2012. godine, d o n o s i

ODLUKU

o uvećanju sredstava u Budžetu Zeničko-dobojskog kantona za 2012. godinu

Član 1. (Predmet)

(1) Odobrava se uvećanje sredstava u Budžetu Zeničko-dobojskog kantona za 2012. godinu („Službene novine Zeničko-dobojskog kantona“, broj 5/12) za budžetskog korisnika iz nadležnosti Ministarstva za obrazovanje, nauku, kulturu i sport – Osnovna škola „Musa Ćazim Ćatić“ Zenica.

(2) Uvećanje sredstava u Budžetu Zeničko-dobojskog kantona za 2012. godinu, vrši se na slijedeći način:

- a) na razdjelu 22, budžetska organizacija 02, potrošačka jedinica 0060 – Osnovna škola „Musa Ćazim Ćatić“ Zenica, sredstva na poziciji 613700 – Izdaci za tekuće održavanje, Plan izdaci iz donacija 2012.

godina, uvećavaju se za 4.000,00 KM,

- b) u Budžetu Zeničko-dobojskog kantona za 2012. godinu u dijelu A. PRIHODI u koloni Plan 2012. godina, sredstva na poziciji 732116 – Primljeni tekući transferi od općine, uvećavaju se za 4.000,00 KM.

Član 2. (Namjena korištenja sredstava i izvještavanje)

(1) Uplaćena donatorska sredstva od strane Općine Zenica, škola će utrošiti za sanaciju podova u učionicama.

(2) Škola je dužna sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška sredstava.

Član 3. (Realizacija odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija u okviru svojih nadležnosti.

Član 4. (Stupanje na snagu)

Ova odluka stupa na snagu narednog dana od dana objavljivanja u «Službenim novinama Zeničko-dobojskog kantona».

Broj: 02-14-12205/12.

PREMIJER

Datum, 24.05.2012. godine

Zenica

mr.sci.Fikret Plevljak dipl.ing., s.r.

.....

197.

Na osnovu člana 16. stav 3. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj:7/10), a u vezi sa članom 3. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj 34/03), Vlada Zeničko-dobojskog kantona, na prijedlog Ministarstva za rad, socijalnu politiku i izbjeglice, na 64. sjednici, održanoj 24.05.2012. godine, d o n o s i

RJEŠENJE

o razrješenju predsjednika i članova Upravnog odbora JU «Dom penzionera» Zenica

I.

Razrješavaju se predsjednik i članovi Upravnog odbora JU „Dom penzionera“ Zenica, koji su bili privremeno

imenovani Rješenjem Vlade broj:02-34-4571/12 od 24.02.2012. godine:

- Alić Senad, predsjednik,
- Mešić Amira, član,
- Vrbic Mario, član,
- Kadić Hadis, član iz reda zaposlenih u JU „Dom penzionera“ Zenica,
- Šehalić Mujkić Suada, član iz reda zaposlenih u JU „Dom penzionera“ Zenica.

II.

Rješenje stupa na snagu danom donošenja i objavit će se u „Službenim novinama Zeničko - dobojskog kantona“.

Broj: 02-34-11.973/12.

PREMIJER

Datum, 24.05.2012. godine

Zenica

mr.sci.Fikret Plevljak dipl.ing., s.r.

198.

Na osnovu člana 16. stav (3) Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10), a u vezi sa članom 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 34/03), Vlada Zeničko-dobojskog kantona, na prijedlog Ministarstva za rad, socijalnu politiku i izbjeglice, na 64. sjednici, održanoj 24.05.2012. godine, d o n o s i

RJEŠENJE

o imenovanju članova Upravnog odbora JU «Dom penzionera» Zenica

I.

Imenuju se predsjednik i članovi Upravnog odbora JU «Dom penzionera» Zenica:

1. Zahid Hrustić, predsjednik,
2. Mirjana Božić, član,
3. Suada Šehalić Mujkić, član iz reda zaposlenih u JU „Dom penzionera“ Zenica,
4. Edin Kadrić, član iz reda zaposlenih u JU „Dom penzionera“ Zenica,
5. Mario Vrbic, privremeno imenovan član.

II.

Rješenje stupa na snagu danom donošenja i objavit će se u «Službenim novinama Zeničko - dobojskog kantona».

Broj: 02-34-11974/12.

PREMIJER

Datum, 24.05.2012. godine

Zenica

mr.sci.Fikret Plevljak dipl.ing., s.r.

199.

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“, broj 7/10) i člana V. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije Bosne i Hercegovine“, broj 4/12.), na prijedlog Kantonalne uprave civilne zaštite, Vlada Zeničko-dobojskog kantona, na nastavku 63. sjednice, održanoj 23.05.2012. godine, d o n o s i

ZAKLJUČAK

I.

Prihvata se Plan korištenja sredstava posebne naknade za zaštitu i spašavanje za 2012. godinu u Zeničko-dobojskom kantonu i čini sastavni dio ovog zaključka.

II.

Zadužuju se Kantonalna uprava civilne zaštite, Ministarstvo finansija i Služba za zajedničke poslove, za realizaciju Plana korištenja sredstava posebne naknade za zaštitu i spašavanje za 2012. godinu u Zeničko-dobojskom kantonu, uz obavezu Kantonalne uprave civilne zaštite da vodi računa o namjenskom utrošku sredstava.

III.

Utrošak sredstava vršit će se iz Budžeta Zeničko-dobojskog kantona za 2012. godinu, sa razdjela 14 – Kantonalna uprava civilne zaštite, budžetska organizacija 01, potrošačka jedinica 0001, u skladu sa Planom korištenja sredstava posebne naknade za zaštitu i spašavanje za 2012. godinu u Zeničko-dobojskom kantonu, iz tačke I. ovog zaključka.

Davanja pomoći općinama, pravnim ili fizičkim licima, u okviru iznosa predviđenog Planom, vršit će se na osnovu odluka i zaključaka Vlade.

IV.

Zaključak stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-14-11678/12.

PREMIJER

Datum, 23.05.2012. godine

Zenica

mr.sci.Fikret Plevljak dipl.ing., s.r.

**MINISTARSTVO ZA
PRAVOSUĐE I UPRAVU****200.**

Na temelju članka 31. stavak 1. točka 3., 32. stavak 2. i članka 33. Zakona o notarima ("Službene novine Federacije Bosne i Hercegovine", broj: 45/02) u svezi sa člankom 65. Pravilnika o radu notara ("Službene novine Federacije Bosne i Hercegovine", broj: 13/09), a na temelju pismeno podnesenog otkaza notarske službe, notara Samira Muslić iz Breze od 16.5.2012. godine, Ministar Ministarstva za pravosuđe i upravu Zeničko- dobojskog kantona, d o n o s i

**R J E Š E N J E
o prestanku službe notara i razrješenju
notara****I.**

Utvrđuje se prestanak službe notara, Samiru Muslić iz Breze, sa službenim sjedištem u Brezi, ul. ZAVNOBIH-a br.6/1, za područje općine Breza, zaključno sa danom 31.5.2012. godine, na osobni zahtjev notara.

II.

Samir Muslić, notar iz Breze, razrješava se dužnosti notara zaključno sa danom 31.5.2012. godine, kao danom prestanka službe notara.

III.

Samir Muslić iz Breze, ovim rješenjem, gubi pravo na uporabu službenog naziva "notar".

IV.

Imenovani je obavezan poduzeti sve radnje predviđene člankom 117. stavak 1. Zakonom o notarima i članka 66. Pravilnika o radu notara, te Povelju o imenovanju notara vratiti Ministarstvu za pravosuđe i upravu Zeničko-dobojskog kantona.

V.

Ovo rješenje stupa na snagu danom donošenja, a objavit će se u "Službenim novinama Zeničko-dobojskog kantona" i "Službenim novinama Federacije Bosne i Hercegovine".

Broj:06/02-34-11076-1/12

Datum, 21.5.2012. godine

Zenica

MINISTAR**Miroslav Penko, s.r.****MINISTARSTVO FINANSIJA****201.**

Na osnovu člana 67. stav 3. i člana 68. stav 1. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i člana 24. stav 1. Zakona o trezoru u Federaciji BiH („Službene novine Federacije Bosne i Hercegovine“, broj: 19/03 i 79/07), ministrica Ministarstva finansija Zeničko-dobojskog kantona, d o n o s i

PRAVILNIK**o dopunama Pravilnika o procedurama
za povrat više ili pogrešno uplaćenih
javnih prihoda sa jedinstvenog računa
trezora Zeničko-dobojskog kantona****Član 1.**

U Pravilniku o procedurama za povrat više ili pogrešno uplaćenih javnih prihoda sa jedinstvenog računa trezora Zeničko-dobojskog kantona („Službene novine Zeničko-dobojskog kantona“, broj: 6/05), u članu 2., iza stava 2. dodaje se novi stav 3. koji glasi:

„Izuzetno, od stava 1. i 2. ovog člana, pod pojmom pogrešno uplaćeni prihod smatra se i prihod koji nije uplaćen na način propisan propisima i podzakonskim aktima koji su bili na snazi prije stupanja na snagu Pravilnika iz stava 1. ovog člana, a pod pojmom više uplaćeni prihod smatra se i uplata koja je izvršena u većem iznosu od propisane i utvrđene obaveze, u periodu prije uspostavljanja Jedinstvenog računa trezora, tako da uplata nije mogla biti evidentirana na Jedinstvenom računu trezora.“

Član 2.

U članu 9. iza stava 1. dodaju se novi stavovi 2. i 3. koji glasi:

„Izuzetno, od stava 1. ovog člana, Kantonalno ministarstvo za slučajeve predviđene članom 2. stav 3. ovog Pravilnika, donosi rješenje o odobravanju povrata pogrešno ili više uplaćenih prihoda sa Jedinstvenog računa trezora i onda kada nakon uvida u dokumentaciju i evidenciju kojom raspolaze trezor, utvrdi da podaci o uplati pogrešno ili više uplaćenog prihoda nisu evidentirani na Jedinstvenom računu trezora, jer je uplata pogrešno ili više uplaćenog prihoda izvršena prije uspostavljanja Jedinstvenog računa trezora.

Kantonalno ministarstvo rješenje iz stava 2. ovog člana donosi na osnovu podataka utvrđenih u rješenju o utvrđivanju pogrešno ili više uplaćenih prihoda iz člana 6. ovog Pravilnika, donesenog od strane nadležnog organa iz člana 3. i 4. ovog Pravilnika, a na osnovu analitičke evidencije, dokumentacije sa kojom navedeni organ raspolaze i dokumentacije priložene uz zahtjev.“

Član 3.

Ovaj Pravilnik stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 07/02-02-11193/12
Zenica, 14.05.2012. godine

MINISTRIČA

Amra Babić, s.r.

.....

**MINISTARSTVO UNUTRAŠNJIH
POSLOVA**

202.

Na osnovu člana 22. stav (3) tačka 8. Zakona o unutrašnjim poslovima Zeničko-dobojskog kantona – Prečišćeni tekst ("Službene novine Zeničko-dobojskog kantona", broj 15/04, 11/05 i 9/09), a u vezi sa članom 9. stav (7) Zakona o nabavljanju, držanju i nošenju oružja i municije ("Službene novine Zeničko-dobojskog kantona", broj 19/09 i 4/11) i članom 3. Pravilnika o programu, načinu i troškovima rada komisije za ocjenu osposobljenosti za pravilno rukovanje, držanje i nošenje vatrenog oružja ("Službene novine Zeničko-dobojskog kantona", broj: 4/10), na prijedlog policijskog komesara, ministar Ministarstva unutrašnjih poslova Zeničko-dobojskog kantona, d o n o s i:

R J E Š E N J E

**o imenovanju Komisije za ocjenu
osposobljenosti za pravilno rukovanje,
držanje i nošenje oružja**

I

Imenuje se Komisija za ocjenu osposobljenosti za pravilno rukovanje, držanje i nošenje oružja u sastavu:

I Predsjednik

1. Miralem Duraković, državni službenik – predsjednik,
2. Ranislav Milešić, policijski službenik – zamjenik predsjednika,

II Prvi član

3. Edber Čančar, policijski službenik – član-posebno obučeni instruktor za oružje,
4. Željko Daničić, policijski službenik-zamjenik člana-posebno obučeni instruktor za oružje,

III Drugi član

5. Marko Šakić, policijski službenik – član iz PS Centar,

6. Zejneba Skopljak, namještenik – zamjenik člana iz PS Centar,
7. Esad Mujić, policijski službenik – član iz PS Crkvice,
8. Jakub Hasić, policijski službenik – zamjenik člana iz PS Crkvice,
9. Ibrahim Pašalić, policijski službenik – član iz PS Nemila,
10. Kasim Čolaković, policijski službenik – zamjenik člana iz PS Nemila,
11. Edhem Omanović, policijski službenik – član iz PS Visoko,
12. Aida Kokorović, namještenik – zamjenik člana iz PS Visoko
13. Esnaf Buza, policijski službenik – član iz PS Kakanj,
14. Hamida Vekić, namještenik – zamjenik člana iz PS Kakanj,
15. Fahrudin Pušina, policijski službenik – član iz PS Breza,
16. Samir Kovačević, namještenik – zamjenik člana iz PS Breza,
17. Esnef Sejkanović, namještenik – član iz PS Zavidovići,
18. Ferid Bešić, policijski službenik – zamjenik člana iz PS Zavidovići,
19. Alen Mušić, policijski službenik - član iz PS Maglaj,
20. Senad Avdić, namještenik - zamjenik člana iz PS Maglaj,
21. Hajrudin Alić, policijski službenik– član iz PS Tešanj,
22. Jasna Mešinović, namještenik– zamjenik člana iz PS Tešanj,
23. Adil Žižo, policijski službenik– član iz PS Dobojug,
24. Elvir Delić, namještenik– zamjenik člana iz PS Dobojug,
25. Ivan Čosić, policijski službenik– član iz PS Usora,
26. Ilija Barić, policijski službenik – zamjenik člana iz PS Usora,
27. Almir Karagić, namještenik – član iz PS Olovo,
28. Amir Džinić, policijski službenik – zamjenik člana iz PS Olovo,
29. Meho Bajrić, policijski službenik– član iz PS Vareš,
30. Snježana Malbašić, namještenik – zamjenik člana iz PS Vareš,
31. Vladimir Jozinović, policijski službenik– član iz PU Žepče i
32. Muhamed Mahovac, namještenik – zamjenik člana iz PS Žepče.

II

Zadaci komisije su:

- Vršenje nadzora nad radom sportskih streljačkih organizacija sa područja Zeničko-dobojskog kantona o načinu osposobljavanja fizičkih lica, o tehničkom znanju za pravilno rukovanje oružjem i poznavanju propisa koji se odnose na držanje i nošenje oružja;
- Provođenje ispita radi ocjene osposobljenosti za pravilno rukovanje, držanje i nošenje vatrenog oružja i
- Vršenje drugih poslova određenih Pravilnikom o programu, načinu i troškovima rada komisije za ocjenu osposobljenosti za pravilno rukovanje, držanje i nošenje vatrenog oružja ("Službene novine Zeničko-dobojskog kantona", broj: 4/10).

III

Komisija radi u sastavu od tri člana

1. Predsjednik ili zamjenik predsjednika
2. Član - posebno obučeni instruktor za oružje ili zamjenik člana - posebno obučeni instruktor za oružje i
3. Drugi član ili zamjenik člana iz nadležne policijske stanice.

IV

Administrativno-tehničke poslove za potrebe komisije vrši član, odnosno zamjenik člana iz nadležne policijske stanice.

V

Komisija je dužna voditi propisane evidencije o obavljenom ispitu o ocjeni osposobljenosti za pravilno rukovanje, držanje i nošenje oružja.

VI

Komisija se imenuje na period od dvije godine.

VII

Predsjedniku, članovima i zamjenicima, za obavljanje ispita za ocjenu osposobljenosti za pravilno rukovanje, držanje i nošenje vatrenog oružja, pripada naknada koju će ministar odrediti posebnim aktom.

VIII

Komisija podnosi mjesečni izvještaj o radu koji sačinjava predsjednik Komisije. Izvještaj se dostavlja ministru Ministarstva radi isplate naknade.

IX

Rješenje stupa na snagu danom donošenja a objavit će se u „Službenim novinama Zeničko-dobojskog kantona“.

Broj: 08-03/4-34-2-2854-2/10

Dana: 16. 5. 2012. godine

MINISTAR

Rifat Delić, s.r.

.....

OGLASNI DIO

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON ZENICA
OPĆINSKI SUD U ZAVIDOVIĆIMA
ODJELJENJE U MAGLAJU
- ODJELJENJE U MAGLAJU –
BROJ: 42 1 P 001385 08 P
Maglaj; 21.05.2012.godine

Općinski sud u Zavidovićima, Odjeljenje u Maglaju, izdaje slijedeći:

O G L A S
O POSTAVLJANJU PRIVREMENOG ZASTUPNIKA

Općinski sud u Zavidovićima, Odjeljenje u Maglaju, sudija Rasma Baždalić, u pravnoj stvari tužitelja MUŠINOVIĆ RAMIZA, sin Sulje, iz Maglaja, Bijela Ploča bb., zastupan po punomoćniku Bašić Eldinu, advokatu iz Maglaja, protiv tuženih: 1. MEHINAGIĆ rođ. MUŠINOVIĆ BEGZADI, kćeri Sulje, iz Maglaja, Jablanica bb., 2. SULJAKOVIĆ HASANA, sin Ismeta, nepoznatog boravišta, 3. SULJAKOVIĆ HUSEINA, sin Ismeta, nepoznatog boravišta, 4. SULJAKOVIĆ AMIRA, sin Ismeta, iz Liješnice bb., Općina Maglaj, 5. SULJAKOVIĆ DEĐADA, sin Ismeta nepoznatog boravišta, 6. HADŽIĆ rođ. MUŠINOVIĆ NERKE, kćeri Mehmedalije, Petrarca str. 48, 80933 Munchen, Republika Njemačka, 7. MUŠINOVIĆ NERMIN, sin Mehmedalije, Dulfer str 26 A, 80933 Munchen, Republika Njemačka, radi utvrđenja prava vlasništva na nekretninama, postavio je tuženim Suljaković Hasanu, Suljaković Huseinu i Suljaković Nedžadu, iz Maglaja, Rješenjem ovog suda broj 42 1 P 00 1385 08 P od 16.01.2012. godine, privremenog zastupnika – njihovog brata SULJAKOVIĆ AMIRA, sin Ismeta iz Maglaja, Liješnica bb., a na temelju odredbe člana 296. stav 2. tačka 4. Zakona o parničnom postupku F BiH.

Privremeni zastupnik će izvršenike zastupati u ovoj izvršnoj stvari dok se izvršenici ili njihovi punomoćnici ne pojave pred sudom, odnosno dok im organ starateljstva ne postavi staratelja.

S u d i j a

Rasma Baždalić, s.r.

.....

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZAVIDOVIĆIMA
Broj: 42 0 Mal 004605 11 Mal 2
Zavidovići, 25.05.2012. godine

Općinski sud u Zavidovićima izdaje slijedeći:

O G L A S
O POSTAVLJANJU PRIVREMENOG ZASTUPNIKA

Općinski sud u Zavidovićima, stručna saradnica Fikreta Delić, u pravnoj stvari tužitelja Imamović Edina, sin Mehmeda, iz Zavidovića, ul.Česme br.7, protiv tuženih Pivić Vahide, kći Hasage, iz Zavidovića, posljednjeg poznatog prebivališta u Zavidovićima, ul.15 Septembra i Pivić Almedine, kći Remze, iz Zavidovića, posljednjeg poznatog prebivališta Zavidovići, ul.15 Septembar i Čapljina, Naselje Strufa bb, sada nepoznatog boravišta (kao nasljednica prvobitno označenog tuženog Pivić Remze, iz Zavidovića, radi naknade štete, v.s.1.500,00 KM, postavio je tuženim, rješenjem ovog suda broj gornji od 25.05.2012.godine, privremenog zastupnika – Suljić Mirada, advokata iz Zavidovića, a na osnovu čl. 296 st. 2 tačka 4 Zakona o parničnom postupku FBiH.

Privremeni zastupnik će tužene zastupati u ovoj pravnoj stvari dok se tuženi ili njihov punomoćnik ne pojave pred sudom, odnosno dok im organ starateljstva ne postavi staratelja.

**Stručna saradnica;
Fikreta Delić, s.r.**

.....

SADRŽAJ**SKUPŠTINA**

177. Zakon o izmjenama i dopuni zakona o predškolskom odgoju i obrazovanju	551
178. Zakon o zakupu stana	551
179. Zakon o geološkim istraživanjima zeničko-dobojskog kantona	556
180. Odluka o usvajanju Elaborata o opravdanosti promjene naziva, proširenja matičnosti i proširenja djelatnosti Pedagoškog fakulteta Univerziteta u Zenici	572
181. Odluka o promjeni naziva, proširenju matičnosti i proširenju djelatnosti Pedagoškog fakulteta Univerziteta u Zenici	572

VLADA

182. Uredba o dopuni Uredbe o naknadama troškova za službena putovanja	572
183. Odluka o određivanju potpisnika naloga platnih transakcija sa transakcijskog računa otvorenog kod Union banke D.D. Sarajevo za period IV-XII mjesec 2012. godine	573
184. Odluka o određivanju potpisnika naloga platnih transakcija sa depozitnog i transakcijskog računa otvorenog kod IKB DD Zenica za period IV-XII mjesec 2012. godine	573
185. Odluka o određivanju potpisnika naloga platnih transakcija sa posebnog transakcijskog računa-sredstva ostvarena po osnovu posebne naknade za zaštitu od prirodnih i drugih nesreća za period IV-XII 2012. godine	574
186. Odluka o određivanju potpisnika naloga platnih transakcija putem deviznog računa otvorenog kod IKB DD Zenica za period IV-XII mjesec 2012. godine	574
187. Odluka o određivanju potpisnika naloga platnih transakcija sa „posebnog ESCROW transakcijskog računa“ za period IV-XII 2012. godine	575
188. Odluka o određivanju potpisnika naloga platnih transakcija putem podračuna u okviru JRT za primljene tekuće transfere i donacije, za JU Škola za odgoj, obrazovanje i rehabilitaciju osoba sa poteškoćama u psihofizičkom razvoju Zenica, za period IV-XII 2012. godine	575
189. Odluka o određivanju potpisnika naloga platnih transakcija sa podračuna za Centralizovani obračun i isplatu plaća za period IV-XII 2012. godine	576
190. Odluka o određivanju potpisnika naloga platnih transakcija sa računa blagajničko poslovanje budžetskih korisnika otvorenog kod IKB DD Zenica za period IV-XII 2012. godine	576
191. Odluka o određivanju potpisnika naloga platnih transakcija sa transakcijskog računa otvorenog kod Sparkasse dd Sarajevo za period IV-XII mjesec 2012. godine.....	577
192. Odluka o dodjeli jednokratne pomoći općinama za otklanjanje posljedica prirodne nesreće uzrokovane velikim snježnim padavinama i niskim temperaturama	577
193. Odluka o odobravanju finansijskih sredstava Agenciji za privatizaciju Zeničko-dobojskog kantona	578
194. Odluka o načinu i kriterijima privremene dodjele lovišta na korištenje	579
195. Odluka o uvećanju sredstava u Budžetu Zeničko-dobojskog kantona za 2012. godinu	579
196. Odluka o uvećanju sredstava u Budžetu Zeničko-dobojskog kantona za 2012. godinu	580
197. Rješenje o razrješenju predsjednika i članova Upravnog odbora JU «Dom penzionera» Zenica.....	580
198. Rješenje o imenovanju članova Upravnog odbora JU «Dom penzionera» Zenica	581
199. Zaključak	581

MINISTARSTVO ZA PRAVOSUĐE I UPRAVU

200. Rješenje o prestanku službe notara i razrješenju notara	582
--	-----

MINISTARSTVO FINANSIJA

201. Pravilnik o dopunama Pravilnika o procedurama za povrat više ili pogrešno uplaćenih javnih prihoda sa jedinstvenog računa trezora Zeničko-dobojskog kantona.....	582
---	-----

MINISTARSTVO UNUTRAŠNJIH POSLOVA

202. Rješenje o imenovanju Komisije za ocjenu osposobljenosti za pravilno rukovanje,
držanje i nošenje oružja583

OGLASNI DIO585

Izdavač: Zeničko-dobojski kanton, ul. Kučukovići br. 2, Zenica

Glavni i odgovorni urednik: Mirsad Kadić, **Telefon:** 032/442-550;

Redakcija i pretplata: 032/407-424; **Štampa:** „MELIGRAFPRINT“ d.o.o. Zenica, **Telefon:** 032/249-187